

摘藻堂四庫全書薈要

史部

欽定四庫全書薈要

史部

御批續資治通鑑綱目卷十一

詳校官編修臣汪鏞



欽定四庫全書薈要卷七千三百九十六 史部

御批續資治通鑑綱目卷十一

起丙午宋欽宗靖康元年凡二年
盡丁未宋高宗建炎元年

宗皇帝靖康元年春正月詔中外臣庶直言得失

金人入遼屢下求言之詔事稍緩則陰沮抑
之當時有城門閉言路開城門開言路閉之語

發明

元城劉氏曰書稱堯之德曰稽于衆舍己從
人辟戎其臣曰予違汝弼汝無面從退有從

言伊尹之告太甲曰有言逆于汝心必求諸道有
言遜于汝志必求諸非道傳說之復于高宗曰惟

木從繩則直后從諫則聖然則古之聰明膺智之
君所以能大過於人者未有不求諫為先務也

當時言路久塞阿諛成風欽宗嗣位之初首下求言之詔是亦能革故而為新者也雖欽宗柔弱弗克盡終而神人之憤庶幾洩矣故綱目亦書以予之也

廣義

臣觀當時實封之言未有剴切如陳東者也
有言如此而不蒙見用又何以詔為哉宜乎

詔書雖下而無有一人之處者焉

梁方平之師潰于黎陽金人遂渡河

幹里雅布臨相濬二州時方平帥某旅屯于黎陽河北岸金將達呼布奄至方平奔潰河南守橋者望見金兵旂幟燒橋而遁河北河東路制置副使何灌帥兵二萬退保滑州亦望風迎潰官軍在河南者無一人禦敵金人遂取小舟以濟凡五日騎兵方絕步兵猶未渡也旋渡旋行無復隊伍金人笑曰南朝可謂

無人若以一二千人守河
我豈得渡哉遂陷滑州

發明

孟子曰鑿斯池也築斯城也與民守之效死
而民弗去則是可為也夫鑿池築城者為國

之備所謂事也效死而民不去為國之本所謂政
也宋恃方平之守不修城郭不擇大將須臾師潰
金遂渡河信無備矣然敵至而師潰其上不能使
民效死而不去則昧於為國之本也雖隆黎陽之
城何益乎故綱目於師潰特書之者以明城郭溝
池重門擊柝皆守邦之末務必以固本安民為政
之急耳如春秋書莒
潰楚人入郢義同

廣義

用兵行師國之大事也豈可付以陰類邪且
陰道用事未有能生物者也易曰用行師終

有大敗以其國君凶是也徽宗用童貫童貫逃歸
而金人圍太原欽宗用方平方平師潰而金人遂

齊河徽欽父子擇將用兵如出一律而欲保有家國難矣哉

以吳敏知樞密院事李稅同知院事○竄王黼于永州賜李彥死並籍其家放朱勔歸田里黼至雍邱盜殺之

黼聞金兵至不俟命載其孥以東詔貶為崇軍節度副使永州安置吳敏李綱請誅黼事下開封尹鼎昌昌遣武士臨及於雍邱南戕之民家取其首以獻帝以初即位難於誅大臣託言為盜所殺彥賜死並籍其家勔放歸田里勔以花石取媚流毒州郡者踰二十年積官至寧遠軍節度使居蘇州公肆培克其園池擅禁禁服飾器用上備乘輿又託輓舟募兵數千人擁以自衛聲餒薰灼東南部刺史郡守多出其門邪人穢夫候門奴事時謂東南小朝廷上皇末年益親任之居中白事傳達上旨大畧如內侍進見不

避宮嬪一門盡為顯官駟僕亦至金紫天下為之扼腕至是凡由勛得官者皆罷

發明

王黼等欺天子忌賢才導奢侈啟敵讐其罪大矣按法行辟死有餘辜綱目一書竄一書

放一書賜死若無罪焉者宋罰之不滿望也然欽宗既遣聶昌殺王黼託為盜殺何歟夫以天子而行盜賊之謀是亦盜賊而已書黼至雍邱盜殺之不知所謂盜者何人哉可愧之甚矣與唐書盜殺李輔國相似

廣義

王黼欺君誤國罪不容誅李彥朱勛同條共貫者也于時皆當合門寸斬以謝天下反以永州

安置按之失討賊也然而聶昌遣人殺之足以快人之心而書曰盜者何哉蓋昌亦黼之流耳其殺之也不以公而以私非盜而何昔者聶政殺俠累而文公尚書曰盜況昌乎臣嘗跡宋之亡亡于朱

勛之花石網也何也蓋逸樂者人君之大戒故雖
大舜之聖其臣伯益猶以逸樂為戒況去大舜之
遠者哉蓋逸樂既生則君心縱弛而凡傷財害民
之事皆將不顧理義而為之是雖嘉謨之入告不
足以動其聽焉夫惟君心安于逸樂如此譬如盤
水之滯涓滴之不可入伊尹所謂習與性成者也
為君者至此而欲家國之保殆見其難矣抑觀朱
勛作孽于宋之由始于崇寧四年蔡京竄勛姓名
于童貫軍籍中故與父冲皆得官自是徽宗注意
花石之費牢不可破疏諫者安置諷諫者放歸由
是勛之得君無尊卑之分有魚水之諧富擬封君
權傾人主城社二十餘年其間蠹國害民之事日
新月盛而徽宗迷不知悟豈不痛哉又況東南為
錢穀淵藪于時汴宋之命實懸于此勛則腹削殆
盡戕斲國本民怨不解故方臘因民不忍而嘗泄
憤悶之氣陳東有言朱勛結怨於東南是其獨見

之明也。厥後雖以誅殺寬所猶未
足以謝天下也。君子於劭乎何誅

太上皇出奔亳州遂如鎮江

帝聞幹里雅布濟河下詔親征以蔡攸為太上皇帝
行宮使字文粹中為副使奉上皇東行以避敵庚午
上皇如亳州於是百官多潛遁初童貫在陝西蔡長
大少年號勝捷軍幾萬人以為親軍探列第舍及自
太原還京適上皇南幸貫即以是軍自隨上皇過浮
橋衛士琴望號慟貫惟恐行不速使親軍射之中矢
而路者百餘人道路流涕蔡京亦盡室
南行為自全之計辛巳上皇至鎮江

發明

播越之詞有三如緩詞也奔急詞也走賤詞
也禮曲禮曰天子不言出穀梁傳曰王者無

出出失天下也蓋王者以四海為家京師為室故
所在曰行在所而巡狩行幸則曰車駕次于某是

也徽宗躬臨大寶垂廿五載際天所覆悉主悉臣
一旦敵至乃棄宗廟委天屬獨措所愛脫身而逃
則是一匹夫耳故綱目於此書出書奔不以天王
之禮予之而以匹夫庶人之事待之可謂賤之甚
矣夫以貴為天子富有四海而一旦失國奔走曾
匹夫之不若人主觀此可不兢兢業業知所畏謹
哉也

廣義

嗚呼徽宗乃坊市間小才末藝之流耳豈黃
屋左蠡中人物耶京貫日侍左右不知其姦

其昏愚孰甚焉然其流離播越宗
社不守而納身夷地者非不幸也

以李綱為尚書右丞東京留守兼親征行營使京師戒

嚴

李綱之忠悃爲
聲誠有人過人
者茅靖康之時
國勢已不可爲
即使盡行其言
久居其位亦未
必有濟也

宰執議請帝出幸襄鄧以避敵鋒行營參謀官李綱
曰道君皇帝挈宗社以授陛下委而去之可乎帝默
然白時中謂都城不可守綱曰天下城池豈有如都
城者且宗廟社稷百官萬民所在捨此欲何之今日
之計當整飭軍馬固結人心相與堅守以待勤王之
師帝問誰可將者綱曰白時中李邦彥等雖未必知
兵然藉其位號撫將士以抗敵鋒乃其職也時中勃
然曰李綱莫能將兵出戰否綱曰陛下不以臣庸懦
僥使治兵願以死報乃以綱爲尚書右丞東京留守
綱爲帝力陳不可去之意且言明皇聞潼關失守即
時幸蜀宗廟朝廷毀于賊手今四方之兵不日雲集
奈何輕舉以陷明皇之覆轍乎會內侍奏中宮已行
帝色變倉卒降御榻曰朕不能留矣綱泣拜以死邀
之帝顧綱曰朕今爲卿留治兵禦敵之事專責之卿
勿致疎虞綱皇恐受命宰臣猶請出幸不已帝從之
綱趨朝則禁衛擐甲乘輿已駕矣綱急呼禁衛曰爾

等願守宗社手願從行乎皆曰願死守綱入見曰陛下已許臣留復戒行何也今六軍父子妻孥皆在都城願以死守萬一中道散歸陛下孰與為衛敵兵已逼如乘輿未遠以健馬疾追何以禦之帝感悟而止禁衛六軍聞之無不悅者皆拜伏呼萬歲乃命綱魚行營使以便宜從事綱治守戰之具不數日而畢

廣義

嗚呼當童貫蔡京王黼等急邀邊功之時貫等坐享王公富貴不知置李綱於何地也及乎國勢顛危彼向之受富貴者一皆奉頭鼠竄舉無一策可施何也揆厥所由皆由徽宗平昔扶陰抑陽之所至也且賢才立于人之朝隨時變遷與道俱化其君舍之則守己以正括囊無咎無譽坤之六四是也其君用之則奮不顧身王臣蹇蹇匪躬之故蹇之六二是也吁人品正大而合于坤之六四蹇之六二者臣於李公見焉况李公力陳不可出幸者即孟子謹守常法之意也使李公胷中

無定見安能出此此然如泰山不可動搖之論哉
嗚呼宋有社稷之臣如此而不能用於未亂未
危之日
惜哉

白時中免以李邦彥為太宰張邦昌為少宰趙野為門
下侍郎王孝迪為中書侍郎蔡懋為尚書左丞○遣使
督諸道兵入授

發明

觀此則宋之失人心為可見矣能以善政固
民心則民親其上死其長若子弟之衛父兄

手足之捍頭目何用智
之入援哉故書譏之

金幹里雅布圍京師李綱力戰禦之金人來議和詔出

內帑及括借士民金帛與之遣康王構及少宰張邦昌
往為質

時幹里雅布軍抵汴城據牟駝岡帝召羣臣議之李
邦彥力請割地求和李綱以為擊之使帝竟從邦彥
計命虞部員外郎鄭望之及高世則使其軍未至過
金使吳孝民來因與偕往是夜金人攻宣澤門李綱
禦之斬獲百餘人金人知有備又聞道君已內禪乃
退甲戌孝民入見問納張鼓事令執送童貫譚貞磨
度且言曰上皇朝事已往不必計今少帝與金別立
誓書結好仍遣親王宰相詣軍前可也帝因求大臣
可使者李綱請行帝不許而命李稅綱曰安危在此
一舉臣恐李稅怯懦誤國事也不聽遂命稅使金軍
幹里雅布乃盛兵南向坐稅北面再拜膝行而前恐
怖喪膽失其所言幹里雅布謂曰汝家京城破在頃

刻所以欲兵不攻者徒以少帝之故欲存趙氏宗社
我恩大矣今若欲議和當輸金五百萬兩銀五十萬
兩牛馬萬頭表段百萬匹尊金帝為伯父歸燕雲之
人在漢者割中山太原河間三鎮之地而以宰相親王
為質送大軍過河乃退爾因出事目一紙付稅遣還
稅等唯唯不敢指一言遂與金使蕭三寶努耶律中
王油等偕來凡金人所要求皆郭藥師教之也乙亥
金人攻天津景陽等門李綱親督戰募壯士縋城而
下自卯至酉斬其酋長十餘殺其衆數千人何灌力
戰而死丙子稅至李邦彥等力勸帝從金議帝乃避
殿減膳括借都城金銀及倡優家財得金二十萬兩
銀四百萬兩而民間已空李綱言金人所需金幣竭
天下且不足況都城乎三鎮國之屏蔽割之何以立
國至於遣質即宰相當往親王不當往若遣辨士姑
與之議所以可不可者宿留數日大兵四集彼孤軍
深入雖不得所欲亦將速歸此時與之盟則不敢輕

中國而和可久也李邦彥等言都城破在旦夕尚何有三鎮而金幣之數又不足數帝默然綱不能奪因求去帝慰諭之曰卿第出治兵此事當徐圖之綱退則誓書已成稱伯大金國皇帝姪大宋皇帝金幣割地遣質更盟一依其言遣沈晦以誓書先往並持三鎮地圖示之庚辰以張邦昌為計議使奉康王構往金軍為質以求成初邦昌與邦彥等力主和議不意身自為質及行乃遷帝署御批無變割地議帝不許康王與邦昌乘筏渡壕自午至夜始達金營康王道君皇帝第九子韋賢妃之所生也

發明

甚矣強鄰之不可與共功也始以唐事觀之高祖借契丹之兵肅宗資回紇之助皆不旋

踵而罹其患又況宋之慢藏誨盜者乎夫借助夷狄奪人土地帝有中國苟如是而無貽禍則外邦真可與為一矣滅遼未幾即為入寇蓋其受禍之淺深視其得力之輕重始是終是毫釐不差故夫

宋氏之亂不惟謀國之乖刺蓋亦天意借是垂戒
後人使萬世之下知強隣之不可與共功欲其戒
之謹之毋至自貽伊戚耳綱目特書屢書不一書
而足至於書金幹里雅布圍京師則無可言者矣
若夫李綱書力戰禦之者見其畏中國有備欲和者敵
也金人書來議和者見其畏中國有備欲和者敵
也書詔出內帑及括借士民金帛與之者見其儲
蓄空虚因以議其自弱也書遣康王構及少宰張
邦昌往為質者見其不能自強因以譏
其失策也後之欲用外敵者可不鑒哉

廣義

甚哉李公之抱負也當汴京受圍之日親自
請行向使得遂其請而至幹里雅布軍必有

懾服金人之言如顏真卿之於李希烈韓退之之
於王庭湊是也汴圍未必不解而康王未必為質
矣況和之云者必勢均力敵而後可一或勢力有
所偏重則和終不可議矣幹里雅布圍京師則其

勢力之偏重於金也明矣尚何以和為議哉和曰
議者金人之詐也苟如李公所論則將不議而自
和況議乎哉吁李公之計不行於欽
宗而至國破君辱者天乎人也何尤

以唐恪同知樞密院事○都統制馬忠敗金人于順天
門

金游騎大掠於城下忠以京西募兵適至擊金人敗
之于順天門外金師遂收斂為一西路稍通援兵得
達

以路允迪簽書樞密院事如金尼瑪哈軍种師道帥師
入援以師道同知樞密院事統四方勤王兵

師道至洛聞幹里雅布屯東城下或止師道言賊勢
方銳願少駐汜水以謀萬全師道曰吾兵少若遲回
不進形見情露祇取辱焉今鼓行而進彼安能測我
虛實都人知吾來士氣自振何憂敵哉揭榜沿道言
種少保領西兵百萬來遂抵京西趨汴水南徑逼敵
營金人懼徙若稍北欲游騎但守牟駝岡增壘自衛
時師道年高天下稱為老種帝聞其至甚喜問安上
門命李綱迎勞師道入見帝問曰今日之事卿意若
何對曰女真不知兵豈有孤軍深入人境而能善其
歸乎帝曰業以講好矣對曰臣以軍旅之事事陛下
餘非所敢知也遂拜同知樞密院事充京畿河北河
東宣撫使統四方勤王兵及前後軍以姚平仲為都
統制師道時被病命毋拜許肩輿入朝金使王訥在
廷頡頏望見師道拜跪稍如禮帝顧笑曰彼為卿故
而師道請緩給金幣于金俟彼情歸托
而殲諸河計之上也李邦彥不從

廣義

內有李綱之捍國外有師道之勤王豈徒退敵云乎哉可使制挺以撻金人之堅甲利兵

矣夫何欽宗昏庸而不能遂二公之願惜哉

以楊時為右諫議大夫兼侍講

時言今日之事當以收人心為先人心不附雖有高城深池堅甲利兵不足恃也童貫為三路大帥察軍逃歸朝廷置之不罪故梁方平之徒相繼而遁當正典刑以為不忠之戒自貫握兵二十餘年覆軍殺將馴至今日比聞防城仍用閹人覆車之轍不可復蹈疏上遂有是命

貶梁師成為彰化節度副使尋賜死

師成晚年益通賄謝士人入錢數百萬以獻頌上書為名令赴廷試唱第之日侍於帝前喁喁升降之其

小吏儲宏亦與科甲而執役如初師成貌若不能言然陰鷺遇間即發王黼嘗為鄆平指陰畫奪宗之計師成力保護太子得不動搖及上皇東幸嬖臣多從以避罪師成自以舊恩留京師太學生陳東既疏其罪惡布衣張炳亦以為言遂貶令開封吏護送至貶所行一日追殺之

廣義

師成之罪不容誅矣分注云行次八角鎮縊殺之以暴死聞觀此足見欽宗有賊不能討

矣尚何激勸天下之忠義而收恢復之功哉綱目書賜死者代欽宗之斧鉞也

二月都統制姚平仲將兵夜襲金營不克而遁

時朝廷日輸金幣于金而金人需求不已日肆屠掠四方勤王之師漸至李綱言金人貪婪無厭允悖日甚其勢非用師不可且敵兵號六萬而吾勤王之師集城下者已二十餘萬彼以孤軍入重地猶虎豹自

投陷甯中當以計取之不必與角一旦之力若扼河
津絕餉道分兵復畿北諸邑而以重兵臨敵營堅壁
勿戰俟其食盡力疲然後以一檄取誓書復三鎮縱
其北歸半渡而擊之此必勝之計也帝深然之約日
舉事种氏姚氏皆素為山西巨室平仲以父古方帥
熙河兵入援慮功名獨歸种氏乃云士不得速戰有
怨言帝聞之以語李綱綱主其議令城下兵緩急聽
平仲節度帝日遣使趣師道戰師道欲俟其弟師中
至因奏言過春分乃可擊時相距纔八日帝亦為緩
平仲請先期擊之二月朔平仲帥步騎萬人夜斫敵
營欲生擒幹里雅布取康王以歸夜半帝遣中使諭
李綱曰姚平仲已舉事卿速援之平仲方發金候吏
覺之幹里雅布遂擊之平仲兵敗懼誅亡去李綱率
諸將出救遂與金人戰于幕天坡以神臂弓射却之
師道復言劫寨已誤然兵家亦有出其不意者今夕
再遣兵分道攻之亦一奇也如猶不勝然後每夕以

數千人援之不十日賊遁矣
李邦彥等畏懦皆不果用

發明

子路曰子行三軍則誰與孔子曰必也臨事而懼好謀而成者也交兵大事拒敵大機要

當熟思審處必求萬全斯為宜耳平仲輕慮淺謀邀功敗事其謀不成徒益敵備既而懼誅率兵亡去其罪可勝言哉輕行而掩之曰襲偷生而苟免曰適皆所以罪平仲也弗克為君分憂而反益君之憂若平仲者安得謂之大丈夫乎
觀於此綱目責望當時之意可見矣

廣義

昔者禹之征苗其誓師乃曰爾尚一乃心力其克有勲武王伐紂其誓師亦曰爾乃一德

一心立定厥功以克永世蓋軍家之事未有心之不一力之不同而能成功者也當汴京受圍之日所恃者內有李綱外有種與姚耳今而種姚兩家各不相下以私滅公卒至喪師辱國其罪可勝言

哉書曰姚平仲襲金營不克而遁平仲其有愧于千古云

罷李綱以謝金人

幹里雅布呂使者詰責用兵違誓之故張邦昌恐懼涕泣康王不為動金人異之乃使王洙來致責且請更以他王為質洙至李邦彥語之曰用兵乃李綱姚平仲爾非朝廷意也因罷李綱以謝金人廢親征行營司時宇文虛中聞汴京急馳歸收合散卒得東南兵二萬人以便宜起李邀領之令駐于汴河會姚平仲失利援兵西來者皆潰虛中總而入京帝欲遣人奉使辨劫營非朝廷意大臣皆不欲行虛中承命慨然而往

發明

甚矣宋人之愚也當時敵兵臨城朝野恐懼羣姦無策惟冀連和而委身狗國者惟李綱

一人而已昔者晉武帝獨斷而成平吳之功唐憲
宗獨斷而遂破蔡之績欽宗不能奮義禮之勇乾
剛獨斷委任無疑不容浮言挫奪可也夫何心持兩
端弗克果決竟罷忠直以謝殘讐嗚呼陋矣金人
果受我耶則必不勞師遠涉也金人果讐我耶則
何必遷怨而友之也矧女真空國入寇就食中華
宋之兵非不多將非不衆合力奮擊而隻輪不運
則將望旌旗而膽落矣不能以此自強偷安一時
貽禍後日使敵人從容屯駐恣其劫掠是豈
有人心者哉書之足以發千古之一笑爾

廣義

當幹里雅布圍汴京也其可憚者惟李尚書
而已今馬既罷李綱則知當時宋亦無可恃

音而全人亦
何所憚哉

太學生陳東上書請復用李綱詔以綱為尚書右丞京

城防禦使

東等千餘人上書于宣德門言李綱奮勇不顧以身任天下之重所謂社稷之臣也李邦彥白時中張邦昌趙野王孝迪蔡懋李稅之徒庸繆不才忌嫉賢能動為身謀不恤國計所謂社稷之賊也陛下拔綱中外相慶而邦彥等疾如仇讐恐其成功因緣沮敗且邦彥等必欲割地曾不知無三關四鎮是棄河北也棄河北朝廷能復都大梁乎又不知邦昌等能保金人不復敗盟否也切恐敵兵南向大梁不可都必將遷而之金陵則自江以北非朝廷有况金陵正慮童貫蔡攸朱勔等往生變亂雖欲遷而都又不可得陛下將於何地而奠宗社邪邦彥等不為國家長久之計又欲沮李綱成謀以快私憤李綱罷命一傳兵民騷動至於流涕咸謂不日為敵擒矣罷綱非特墮邦彥等計中又墮敵計中也乞復用綱而斥邦彥等且

以間外付种師道宗社存亡在此一舉不可不謹書
奏軍民不期而集者數萬人會邦彥入朝衆數其罪
而罵且欲毆之邦彥疾驅得免吳敏傳宣令退衆莫
肯去搥壞登聞鼓喧呼動地殿帥王宗漢恐生變奏
帝勉從之帝乃遣朕南仲號於衆曰已得旨宣綱矣內
侍朱拱之宣綱後期衆鬱而磔之並殺內侍數十人
知開封府王時雍麾之不退帝顧戶部尚書聶昌俾
出諭旨諸生始退乃復綱右丞充京城四壁防禦使
既而都人又言願見种師道詔趨師道入城彈壓師
道乘車而至衆褰簾視之曰果我公也相麾聲喏而
散明日詔誅士民殺內侍為首者禁伏闕上書王時
雍欲盡致太學諸生於獄人人惴恐會朝廷將用楊
時為祭酒遣聶昌詣學宣諭然後定吳敏
欲弭謗議奏東為士學錄東力辭以歸

發明

前書陳東上書請誅蔡京六人此書陳東上
書請復用李綱則庶乎可以得好惡之正矣

綱目特書于冊
所以深予之耳

廣義 嗚呼汴京之急也都人士庶之所恃者李公耳然李公之識見忠勇非特太學諸生知之而復用李綱者非欽宗之本心乃出於衆情之迫切不得已而然也噫欽宗當國事佳德之日猶無德慧智術以察臣下之忠佞况承平乎欽宗其不足與有為可知矣

除元祐黨籍學術之禁

廣義 元祐黨籍學術之禁乃蔡京獨鼓其說而倡為亡國之階也至是除之何哉正所謂人之將死其言也善天理之不可泯此之謂歟

廢苑囿宮觀可以與民者

廣義

嗚呼欽宗以苑囿宮觀與民可謂甚前人之愆矣書之于冊庶亦可觀

更以肅王樞為質于金康王構還

宇文虛中冒鋒鏑至金營露坐風埃自己至申金人注矢露刃周匝圍之久乃得見康王次日侍王至金幕府見幹里雅布辭語不遜禮節倨傲抵暮遣王油隨虛中入城要越王及李邦彥吳敏李綱並駙馬曹晟等與金銀騾馬之類且欲御筆書定三鎮界方退軍明日帝命肅王往代質康王張邦昌還

廣義

高宗還天意也天其或者為太祖之後而設歟

以徐處仁為中書侍郎宇文虛中签書樞密院事蔡懋

罷○詔割三鎮地以畀金金幹里雅布引兵北去京師

解嚴

初金人犯城蔡懋桭不得輒施矢石將士積憤及李
綱復用下令能殺敵者厚賞衆無不奮躍金人懼稍
稍引却至是宇文虛中復奉詔如金許割三鎮地幹
里雅布得詔不俟金幣數足遣韓光裔來告辭遲師
北去肅王從之京師解嚴種師道請乘其半濟擊之
帝不許師道曰異日必為國患御史中丞呂好問進
言于帝曰金人得志益輕中國秋冬必
傾國復來禦敵之備當速講求不聽

發明 嗚呼宋之削弱滋甚矣宋之不競可知矣蓋
土地受之天命傳之先君雖尺寸之地不可

擅以與人必不得已死生以之孟子曰守正而致
死者義也金人圍城踰兩閱月四方勤王之師已

集敵人陵蔑之心已極此正楚漢角力不容並立之時也未聞出兵拒戰惟圖屈己請和朝進一言以求盟蕃指一策以結好謀臣猛將相率積憤而割地之謀興矣矧王公設險所以守國三鎮宋之藩屏割之何以為邦今日割一城明日削一地然後得一旦安寢起視四境而全兵又至矣然則宋室之地有限暴金之欲無窮土地甫盡宋安能存豈不深可惜哉一二十大臣不能講究至理二三執政不能擬議洪謨尸位素餐果何足取不待貶絕而其義自見者此類是也

廣義

信如李种二公之策雖不畀以三鎮之地而幹里雅布師亦退矣夫何欽宗庸懦中無所

主遂使宗社之地淪于北庭豈不痛哉

赦

且詔諭士民自今庶事並遵用神宗舊制凡蠹國害民之事一切廢罷復罷宰執魚神霄玉清萬壽宮使

廣義

上條分注載呂好問之言曰金人得志益輕中國秋冬必傾國而來禦敵之備當速講求

斯言也何其灼見之明且切哉為欽宗者則當朝警夕惕雖卧薪嘗膽尤以為急可也今於好問之言如水沃石畧無介意而反以赦為急者何哉蓋赦者小人之幸君子之不幸也是赦之舉無乃被小人之所使歟此條分注載詔諭士民之言雖或可觀在當時亦以講求禦敵為急而此馬或可以緩也禦敵之不講而此馬雖善亦無以救其急譬諸病危之人不進以瞑眩之劑乃徐徐以參苓加之而欲起死回生也殆見其難矣

李邦彥免

邦彥無所建明惟阿順趨諂而已都人目為浪子宰相

以張邦昌為太宰吳敏為少宰李綱知樞密院事耿南仲李悅為尚書左右丞○宇文粹中罷○姚古种師中及府州將折彥質以兵入援

姚古种師中及府州帥折彥質等各以兵勤王凡十餘萬人至汴城下而幹里雅布退李綱請詔古等追之且戒俟其間可擊則擊而三省乃令護送出之勿輕動以啟讐時大臣政令矛盾故迄無成功

發明

三人能知急君之義矣功雖不就志亦可嘉故綱目特揭而書之于冊者所以為臣子徇

國之勸也

种師道罷

中丞許翰言師道名將沈毅有謀不可使解兵柄帝謂其老難用翰曰秦始皇老王剪而用李信兵辱於楚漢宣帝老趙充國而卒能成金城之功自呂望以來以老將收功者難一二數師道智慮未衰雖老可用也帝不納翰又言金人此去存亡所繫當令一大創使失利去則中原可保四夷可服不然將來再舉必有不救之患宜進師邀擊之帝亦不聽

廣義

師道為時名將華夷著稱而金人素所忌憚者也當夫國步艱難之日無故而棄名將適

足以壯敵人之志而自促其敗也善乎范氏曰山有猛虎則藜藿為之不採今也猛獸去山殆恐採宋之藜藿者若固有之也嗚呼悲哉

以楊時兼國子祭酒

時知無不言然不見聽及太學生留李綱种師道吳玠乞用時以靖太學因召對特言諸生忠於朝廷非有他意但擇老成有行誼者為之長或則將自定帝曰無以逾卿遂用之

廣義

上書除元祐黨籍學術之禁可以崇正學次書以苑囿宮觀與民可以得民心至是書楊

時為國子祭酒可以定國論是三者實救時之急務也愿書于冊有可觀矣

金尼瑪哈入威勝軍陷隆德府

尼瑪哈攻太原悉破諸縣獨城中以張孝純固守不下乃於城外矢石不及之地築城防守使內外不相通及聞幹里雅布議和遣人來求賂宰臣以勤王兵大集拘其使而不與尼瑪哈怒乃分兵趨汴京折可

求劉先世軍皆為所敗平陽府叛卒導金兵入南北關尼瑪哈歎曰關險如此而使我過之南朝無人矣既過知威勝軍李植以城降遂攻下隆德府知府張確死之進屯澤州呂中曰取燕而不知取三關之險守京城而不知守關河之險此敵所以嘆無人也

貶蔡京為秘書監童貫為左衛上將軍蔡攸為太中大夫

以陳東之言也時三人皆從上皇行

廣義敵國外患自古有之未有不自開其邊塞而成其禍者也故罪莫大乎開邊況當時陳東上書之言欲擒此賊肆諸市朝非特貶其官而已今綱目大書曰貶者非當其罪也必如東之所言

而後可為欽宗者則當陳啟太上及為國家之禍
肇自此徒此徒姦黷欲自保全故從陛下行幸其
意實非為陛下也譬猶狐之馮城鼠之依社而人豈
敢肆其攻畧之心哉一或攻之畧之必將抵以隰
城傾社之罪伏願陛下割恩斬義早以此徒檻車
赴京獻諸太廟明正厥罪播告天下以舒神人之
憤則金人犯順之心必回天下勤王之師必雲集
響應陛下回鑾之日可期太原宗社之地可復而
臣新服之命庶乎可保天下幸甚如是則徽宗雖
惑于心必俞所啟豈無父子之情邪夫何欽宗不
此之務止貶此徒之官是失討
賊之義也尚何恢復之可望哉

梁方平伏誅

發明

蔡京蔡攸童貫梁方平惡均罪敵死有餘辜
何為一書貶而一書伏誅蓋京等罪重罰輕故

其書法若無罪焉者所以深譏欽宗之失政刑也
方平既正典刑故即以伏誅書之綱目原情定罪
其旨嚴矣噫欽宗初政若此抑何以
服天下哉此其所以無益於敗亡也

廣義

金人過河由方平之師潰于
蔡陽也大書伏誅厥罪正矣

王孝迪罷○以聶昌為東南發運使未行而罷

初上皇南幸童貫高俅等以兵扈從既行聞都城受
圍乃止東南兩邦傳及勤王之師道路籍籍言貫等為
變朝議以聶昌為發運使往圖之李綱曰使昌所圖
果成震驚太上此憂在陛下萬一不果是數人者挾
太上於東南求劍南一道陛下將何以處之莫若罷
聶昌之行請於太上去此數人自可不勞而定帝從
之

廣義

分注載李樞密之言可謂識時達權者也欽宗從之亦為當時之慶惜乎行之不勇不決

耳

金尼瑪哈還雲中留軍圍太原○三月張邦昌李稅免

議者以邦昌私於敵故尼瑪哈復至社稷之賊也遂免

以徐處仁為太宰唐恪為中書侍郎何栗為尚書右丞
許翰同知樞密院事

帝召處仁問割三鎮是否處仁言不當棄與吳敏議
合敏薦處仁可相遂拜太宰時進見者多論宣和間
事恪言于帝曰革弊當以漸宜擇今日之所急者先
之而言者不顧大體至毛舉前事以快一時之憤豈

不傷太上之心哉京攸貴黼之徒既從竄斥姑可已矣他日邊事既定然後白太上請下一詔與天下共棄之誰曰不可帝曰卿論甚善為朕作詔書以此意布告在位

廣義

羣賢彙征若可以傾否矣然而否終不能傾者以唐恪一人在焉識者恨矣

宇文虛中免

言者劾其議和之罪出知青州

詔种師道屯滑州姚古种師中援三鎮古復隆德府威勝軍師中追幹里雅布至北鄙而還

詔金人要盟終不可保今尼瑪哈深入南陷隆德先敗元約朕夙夜追咎已黜罷元主和議之臣其太原

中山河間三鎮保塞陵寢所在誓當固守於是令种師道為河北河東宣諭使駐滑州姚古為河北制置使种師中副之古總兵援太原師中援中山河間而師道實無兵自隨乃請合闕河卒屯滄衛孟滑備金兵再至朝廷以大敵甫退不宜勞師示弱柁不用師中渡河上言尼瑪哈至澤州臣欲由邢相間掇出上黨擣其不意當可以遲朝廷疑不用幹里雅布至中山河間兩鎮皆固守不下師中因進兵以逼之幹里雅布出境姚古以兵復隆德威勝扼南北關

發明

迨者已去而蹠之之謂自金人南下諱言兵事惟恃和好女真從容出入畧無違礙中國之氣為之大屈矣今而漢起宸斷命將出師屯滑州援三鎮追幹里雅布於女真甫退之時此舉豈強人意故特喜而書之所以深予之也使其始終如一奮發有為則安患金之復至哉惜其邪正之

言交作未免惑於邪而棄其正耳吁

廣義

斯時也急莫急于備禦之策朝論如此則宋事日非斷可識矣

詔李綱迎太上皇于南京

時用事者言太上將復辟于鎮江人情危駭既而太上皇后先還或謂后將由端門直入禁中內侍輩頗勸帝嚴備帝不從既而太上還至南京以書問改革政事之故且召吳敏李綱或慮太上意不可測綱曰此無他不過欲知朝廷事爾綱往具道皇帝聖孝思慕請陛下早還京師太上因及行宮止遞角等事綱曰當時恐金人知行宮所在非有他也因言皇帝每得詰問之詔輒憂懼不食臣竊譬之家長出而強寇至子弟之任家事者不得不從宜措置長者但當以其能保田園大計而慰勞之苟誅及細故則為子弟

者何所逃其責耶陛下回鑒臣謂宜有大慰皇帝之心勿問細故可也太上感悟出玉帶金魚象簡賜網且曰卿捍守宗社有大功若能調和父子間使無疑阻當遂垂名于青史綱還具道太上意帝始釋然

廣義

嗚呼李公善處敵欽父子其即韓魏公之高致也千古令人景仰不亦偉哉

夏四月夏人陷天德雲內諸城金人襲取之

先是尼瑪哈遣薩滿使夏許割天德雲內金肅河清四軍及武州等八館之地約攻麟州以牽河東之勢夏人遂由金肅河清渡河取天德雲內武州河東八館之地因攻鎮威城兵馬監押朱昭力戰而敗乃盡殺其妻子納尸井中復帥士搏戰死之城遂陷既而金將古紳以數萬騎陽為出獵掩至天德逼逐夏人悉奪有其地夏人請和金人執其使

發明

時王室罹難金兵殘虐夏人未聞修連帥之職道金兵以安中國顧乃復為臣虜背順向

逆攻陷城邑乘人之危射一時之利棄百年之好是誠五霸之罪人也迨夫所得土地復為金有將欲以利己適所以利人所謂攘人者必為他人所攘詎不信乎此何以異於鵠蚌相持漁人得利也於乎夏得之易而失之亦易夏取之非義而金亦以非義取之曾謂非天道哉後之逞其私智伐人家國者可以鑒矣凡若此類不再貶而其惡自見

太上皇至京師

太上將至宰執進迎奉儀注耿南仲議欲屏太上左右車駕乃進李綱言天下之理誠與疑明與闇而已自誠明推之可至於克舜自疑闇推之其患有不可勝言者耿南仲不以克舜之道輔陛下乃闇而多疑

南仲惓然曰臣適見左司諫陳公輔乃為李綱結士
民伏闕者乞下御史置對上愕然綱曰臣與南仲所
論國事也南仲乃為此言臣何
敢復有所辨因求去帝不允

立子諶為皇太子○以耿南仲為門下侍郎趙野免○

詔吏部考覈濫賞

凡由楊戩李彥之公田王黼朱勔之應奉童貫譚貞
等西北之師孟昌齡河防之役變蜀湖南之間疆閭
陝河東之改幣及近習所引獻頌可
採特赴殿試之流所得爵賞悉奪之

發明

後天下之治特患人主無其志涵宋自哲徽之

宗繼之猶能振屬有為而氣象已異於是先朝弊
政相繼剗削使其能謹終如始未必不為有宋盛

德之主綱目於前書除元祐黨籍學術之禁廢苑
園宮觀可以與民者此書詔吏部考覈濫賞皆所
以著其初政之美云爾夫豈以其不終之
故遂沒其可紀之實此固筆削之公也

以神師道為兩河宣撫使○復以詩賦取士禁用王安
石字說○召河南尹焞至京師賜號和靖處士遣還

焞洛人師事程頤紹聖初嘗應舉發策有誅元祐諸
臣議焞曰噫尚可以干祿乎哉不對而出告頤曰焞
不復應進士舉矣頤曰子有母在焞歸告其母母曰
吾知汝以善養不知汝以祿養頤聞之曰賢哉母也
於是終身不就舉聚徒洛中非吊喪問疾不出士大
夫宗仰之神師道為焞德行召至京師不欲留賜號
和靖處士遣還戶部尚書梅執禮戶部侍郎邵溥中
丞呂好問中書舍人胡安國合奏焞言動可以師法

冠識可以任大
乞擢用之不報

發明

楊氏曰時止則止也時行則行亦止也非行之為止也時乎當行道乎可行吾斯行焉

吾雖行焉止乎道也時乎當止道乎可止吾斯止焉非吾自止亦止乎道也尹焞窮居樂道不求聞達而所學得乎伊洛之真傳誠一代之偉人也夫何召至不用賜號遣還雖梅執禮等合詞懇留帝皆不報噫隱居求志固君子之本心舉賢而先乃人君之盛事詩曰濟濟多士文王以寧值衰亂之時正用賢之日而反棄賢者其不足與有為明矣據事直書深譏之耳

廣義

昔孟子稱伯夷柳下惠為百世之師者一則以其不立於惡人之朝不與惡人言志潔行

高為聖之清一則以其不羞汙君不鄙小官進不隱賢必以其道為聖之和今也欽宗朝廷惡之極

矣在朝之人惡者多矣然而和靖應詔而至者以宋事之尚或可為故不欲去有似乎惠之和也至而欲去者知宋事之不可為故不欲留有似乎夷之清也噫若和靖者可謂不夷不惠而善學聖人者也夫何欽宗不能下賢以資中興之算君子惜之

五月罷王安石配享孔子猶從祀廟庭國子祭酒楊時

致仕

時上言蔡京用事二十年壺國害民幾危宗社人所切齒而論其罪者莫知其所本也蓋京以繼述神宗為名實扶王安石以圖自利故推尊安石如以王爵配享孔子廟庭今日之禍實安石有以啟之安石扶管商之術飾六藝以文姦言變亂祖宗法度當時司馬先已言其為害當見於數十年之後今日之事若

合符契其著為邪說以塗學者耳目而敗壞其心術者不可縷數伏望追奪王爵明詔中外毀去配享之象使邪說淫辭不為學者之惑疏上詔罷安石配享降居從祀之列時諸生習用王氏學以取科第者已數十年不復知其非忽聞楊時目為邪說羣論籍籍於是中丞陳過庭諫議大夫馮澥上疏詆時乃罷時祭酒詔改給事中時力辭遂以徽猷閣待制致仕時居諫垣九十日凡所論列皆切於世道而其大者則聞王氏排和議論三鎮不可棄云

發明

自安石變法結怨四海羣姦肆虐陷矩循規嗣是歷哲藏二君或紹聖或崇寧日積月累

其弊彌長創立新法以塗炭天下之民偽作三經以黃惑天下之士今而海內濁亂罔非醞釀而成實萬世之罪人也夫豈可以配享孔子乎當時因襲之弊未有決其是非獨楊時上章極論深切時

宜非以道事君者安能若是耶欽宗既知其失當
碎其遺像投諸水火斷天下之疑絕後世之惑可
也夫何甫燕配享之禮降居從祀之列謂之何哉
由是羣吠紛紜時乃致仕一薛居州獨如宋王何
觀乎此則世運人心斷可識矣綱目
書此詞繁而不殺其義為可見焉

廣義

大抵取士莫要於明經為治莫大乎正學舍
正學而雜以他途殆恐學不得其正而士不

得其純者也將何以為致治之具邪嗚呼春秋一
經斷自聖心安石叛之王氏之學出自己見學者
宗之數十年間積弊已久急於仕進者莫不資之
以取科第蓋以習故蹈常莫覺其非一旦龜山目
為邪說宜乎駭人耳目而反詆為非矣向使欽宗
覺悟于上時宰贊襄于下釐邪為正就是去非使
設科取士惟事乎六經之正學屏棄乎王氏之邪
說則士豈有不得其純者而治豈有不獲其效者

哉奈何欽宗惑於王氏之說既罷配享猶且從祀而使龜山正論不得見于設施惜哉孔子曰大臣以道事君不可則止龜山可謂以道事欽宗者也
大易豫之六二有曰介于石不終日若龜山者其有合于豫之六二者歟

詔种師中姚古進軍太原師中與金人戰于殺熊嶺敗績死之古軍潰

太原圍不解詔种師中由井陘與姚古犄角師中進次平定軍乘勢復壽陽榆次等縣留屯真定時尼瑪哈避暑還雲中留兵分就畜牧規者以為將通告于朔許翰信之數遣使趣師中出戰責以逗撓師中嘆曰逗撓兵家大戮也吾結髮從軍今老矣忍受此為罪乎即日解嚴約姚古及張願俱進而翰重賞犒之

物皆不以從行師中抵壽陽之石坑為金將完顏和
尼所襲五戰三勝回趨榆次至殺熊嶺去太原百里
姚古將兵至威勝統制焦安節妄傳尼瑪哈將至故
古與瀾皆失期不至師中兵饑甚敵知之悉衆攻右
軍右軍潰而前軍亦奔師中獨以麾下死戰自郊至
已士卒發神臂弓射退金人而賞賚不及皆懷怨散
去所留才百人師中身被四鎗力疾鬪死師中老成
持重為時名將既死諸軍無不奪氣金乘勝進兵迎
古遇于盤陀古兵潰退保隆德事聞李綱召
安節斬之安置古于廣州而贈師中少師

發明

師中姚古均承上命進軍太原正宜戮力同
心克濟蹇難以舒君父之憂可也夫何既與

相期刻日同進而師中死戰古不援馬遂使全軍
覆沒身且不保然則姚古之罪可勝誅哉故綱目
以死節予種師中而以軍潰責姚古若曰軍非
能潰而古自潰之云爾勸懲之法何其切耶

廣義

嗚呼天下之事莫不成于所謹而敗于所忽也始焉而謹雖未必其事之成而終必成始

焉而忽雖未必其事之敗而終必敗故謹者成事之固而忽者敗事之媒也今師中之敗敗于許翰之輕信覘者之言而忽於料敵也然則以敗績歸師中而以死節予之者何哉蓋以敗績歸者以見師中為將不得辭其責以死節予之者以見師中不避敵而得以盡忠也綱目之旨微矣

六月詔諫官極論闕失

右正言崔鶯上疏曰諫議大夫馮漸近上章言熙寧元豐之間士無異論太學之盛也漸尚敢為此姦言乎王安石除異己之人著三經之說以取士天下靡然雷同陵夷至于大亂此無異論之效也蔡京又以學校之法取士人如馭卒伍有一異論累及學官其苛錮多士同己密矣而漸猶以為太學之盛歎罔不

已甚乎仁宗英宗選敦樸敢言之士以遺子孫安石
目為流俗一切逐去司馬光復起而用之元祐之治
天下安於泰山及蔡京得志引門生故吏更持政柄
倡紹述之論以欺人主使天下一於諂佞紹述同風
俗而天下安於欺罔紹述理財而公私竭紹述造士
而人才衰紹述開邊而塞塵犯闕矣京之術破壞天
下已極尚忍使其餘蠹再破壞邪京姦邪之計大
類王莽而朋黨之衆則又過之願斬之以謝天下

廣義

考之崔鶚於徽宗即位之初以筠州推官上
書力辨司馬光之忠章惇之姦徽宗說而不

繹止以為相州教授今於欽宗踐阼之始又極詆
蔡京馮漸之姦蓋以知夫朝政闕失莫大乎臣下
之朋姦也嗚呼鶚於徽宗體元正始之日而為其
辨忠邪奮不顧身以為朝廷振舉綱維是誠社稷
之臣矣于時徽宗即當置諸左右以資啟沃否則
使其居一要職以進退人才鶚必大有所作為而

宋之宗社疆宇亦未必如是之狼籍也夫何寥寥乎二十六年之間久處鷄於閒曠之地使之居矮屋而不得一擡其頭惜哉今而幸居言路於欽宗新服厥命之時宜其極諍朝廷闕失而端在蔡京之朋姦破壞天下何其言之當且切哉然而以一木不支大廈之顛不過重為君子之長太息也

召种師道還以李綱為兩河宣撫使

京師自金兵退上下恬然置邊事於不問李綱獨以為憂數上備邊禦敵之策不見聽用每有謀議復為耿南仲等所沮及姚古种師中敗潰种師道以病丐歸南仲等請棄三鎮綱言不可乃以綱為宣撫使劉幹副之以代師道又以解潛為制置副使以代姚古綱言臣書生實不知兵在圍城中不得已為陛下料理兵事今使為大帥恐誤國事因拜辭不許退而移疾乞致仕章十餘上亦不允臺諫言綱不可去朝廷

帝以其為大臣游說斥之或謂綱曰公知所以遣行之意乎此非謂邊事欲緣此以去公則都人無辭爾公不起上怒且不測奈何許翰復書杜郵二字以遺綱綱不得已受命帝手書裴度傳以賜之宣撫司兵僅萬二千人綱請銀絹錢各百萬僅得二十萬庶事皆未集綱乞展行期御批以為遷延拒命趣召數四綱入對帝曰卿為朕巡邊便可還朝綱曰臣之行無復還理臣以愚直不容於朝使既行之後無有沮難則進而死敵臣之願也萬一朝廷執議不聖臣自度不能有為即當求去陛下宜察臣孤忠以全君臣之義上為感動陞辭又為上道唐恪攝昌之姦任之必誤國言甚激切

發明

師道老將而召還李綱書生而往代則其時事乖刺亦可見矣豈非熙豐之黨有以陰擠

之乎直書于冊失自見矣

廣義

書曰致治于未亂保邦于未危用是道則為聖帝為明王而國以之興舍是道則為庸君

為暗主而國以之亡臣嘗悼夫徽欽二宗不能善為其國也何則汴宋立國之初即與契丹為隣宋之祖宗與之繼好百年曾無一臣之敢創開邊釁者是亦祖宗善禦強敵也今也不然徽宗約金以攻遼是其召禍於未亂未危之時欽宗忽金之退師是其速禍於既亂既危之日又況國無忠良獨致其愛者惟李綱一人耳而欽宗又受南仲等蠱惑之深陷李綱于必死之地是亦盧杞之害真卿也誠如臺諫所言以綱運籌帷幄擇將捍邊則宋人之國猶或可為惟其不然是以破壞不可收拾也豈不深可痛哉

路允迪免○謫左司諫陳公輔監合州酒務

公輔居職敢言耿南仲指為李綱之黨公輔因自列
且辭位復言李綱書生不知軍旅遣援太原乃為大
臣所陷後必敗事時宰
起其言斥監合州酒務

發明

是時天下既亂北方靡寧正孜孜求治常若
不及之秋也詢訪嘉謀召用君子庶幾天命

可續人心可回欽宗惑耿南仲之讒間黜逐李綱
因敢直諫公輔既居言責義所當告見忤時宰謫
監酒稅謂之得計可乎上書詔諫臣極論闕失而
下書謫左司諫陳公輔則是求言非誠不過虛應
故事焉耳安有誠心樂善而反忌言者尚可以求
諫乎哉欽宗即位之初天下猶未帖泰殷鑒不遠
復罪言官苟有志於興衰撥
亂者必不無故而謫諫臣矣

天狗星隕

有聲
如雷

彗出紫微垣

長數丈北拂帝座掃文昌大臣有謂此乃夷狄將衰
非中國憂也提舉醴泉觀諱世勣面奏垂象可畏當
修德以應天不宜惑其說
說詔除民間疾苦十七事

發明

天狗惡星也彗者逆氣所結也人事感於下
天變動於上前此者金兵南下惡陵中華後

此者二帝后妃遠狩沙漠中原既陷而王室遂虛
法度廢弛威信陵遲之象著矣漢成帝永始中亦
有星隕之異而五侯擅權賊莽居攝漢之宗文
掃蕩幾盡天之示人顯矣綱目謹於天象至矣

廣義

考之隕之義自天而隕沒於半空而不至
地之謂也漢成帝永始中有星隕之異其後

五侯擅權賊莽居攝卒滅西漢今馬天狗星隕而有聲如雷其亦異之異者焉況乎紫微乃天帝之座之近者豈宜彗犯于此哉天之垂象如此則汴宋將亡之徵顯矣

高麗稱藩于金金以保州畀之

高麗王楷遣使奉表稱藩一依事遼之禮金遣高伯淑報之且以保州與之自是朝貢不絕

秋七月除元符上書邪等之禁○竄蔡京于儋州道死
童貫趙良嗣伏誅

京再貶崇信軍節度副使貫再貶昭化軍節度副使至是復竄京于儋州其子孫二十三人分竄遠地遇赦不許量移竄貫于吉陽軍趙良嗣于柳州詔下十日京死于潭州朝廷遣御史張徽誅貫轉運副使李

昇之誅良嗣于貶所亟赴闕梟于市京天資山謫
舞智御人在人主前顯狙伺為因位計帝亦知其姦
屢罷屢起且擇京不合者執政以柅之京每聞將退
免輒入見祈哀蒲伏叩頭無復廉恥見利忘義至於
兄弟父子自為秦越暮年即家為府營造之徒集門
輸貨僮隸皆得美官棄紀綱法度為虛器根株連結
牢不可破卒致宗廟之禍難以謫死天下猶以不正
典刑為恨貫握兵二十年權傾一時奔走期會過于
制勅嘗有論其過者詔方劾往察劾一動一息貫悉
傾得之先密以白且陷以他事劾反得罪逐死貫狀
魁梧偉瞻視頭下生鬚十數皮骨勁如鐵不類閭人
有度量能疎財後宮自妃嬪以下皆獻饋結納左右
婦寺譽言日聞寵煥翕赫庭戶雜選成市岳牧輔
弼多出其門窮姦稔禍沉毒四海死不足以償責

發明

嗚呼欽宗曲庇姦臣可謂姑息之甚矣蔡京
罪逆深重死有餘辜誠宜肆諸市朝挾罪行

辟以示天下可也夫何僅寬僭州善終於道王法何由而正亂賊何由而警乎故書寵蔡京而若無罪然者所以譏宋責之不以其罪也然書法盜賊庶人則書死京特書死者所以貶其同於盜賊庶人而不得與於中國士大夫之列耳苟或生不加誅死不示貶又何以為賞善罰惡之權衡哉至若童貫良嗣明正典刑特書狀誅以正其罪故曰綱目成而亂臣賊子懼

廣義

大臣為國柱石非賢而有德者不無禍人之國而貽生民無窮之害也傳之所謂不能保

我子孫黎民亦曰殆哉是也蔡京宋之元老跡其所為真禽獸之不若者豈可師長百僚而當萬姓之具瞻哉故曰不有君子其何能國且大易有曰開國承家小人勿用況乎徽宗信任童貫良嗣上不保其宗社中不保其身體下不保其子姪此真近閭宦小人之禍也然則此徒雖曰伏誅其於事

也何補有國
者可以鑑矣

李綱至懷州諸軍潰于太原

綱留河陽十餘日緣士卒修整器甲之屬進次懷州
造戰車期兵集大舉而朝廷降詔罷所起兵綱上疏
言秋高馬肥敵必深入宗社安危殆未可知防秋兵
畫集尚恐不足今河北河東日告危急未有一人一
騎以副其救奈何甫集之兵又皆散遣且以軍法勒
諸路起兵而以寸紙罷之臣恐後時有所號召無復
應者矣疏上不報趣赴太原綱乃遣解潛屯威勝軍
劉韜屯遼州幕官王以寧與都統制折可求張思正
等屯汾州范瓊屯南北關皆去太原五驛約三道並
進時諸將皆承受御畫事皆專達進退自如宣撫司
徒有節制之名多不遵命綱嘗具論之雖降約束而
承受專達自若於是劉韜兵先進金人併力禦之韜

兵潰潛與敵遇于關南亦大敗思正等領兵十七萬與張浩夜襲金羅索軍于文水小捷明日戰復大敗死者數萬人可求師潰于子夏山於是威勝軍隆德府汾晉澤絳民皆渡河南奔州縣皆空

發明

命將之道貴乎專於委任將焉不專軍無紀律遇敵駭懼迄無成功時諸將皆承御盡事

得專進退自如宣撫使徒有節制之名不遵約束之命則是任將不專之病也李綱區畫方畧刻期進取甫至懷州諸軍皆潰則是無紀律之病也今以太原諸軍而無統率進退自如故曰師出以律失律凶也綱目於此以自潰為文若曰太原之軍無有能潰之者宋自潰之云爾夫以步騎十七萬之衆一旦無過自潰然則宋之不亡豈非幸歟

八月復以种師道為兩河宣撫使召李綱還

綱以張顥等違節制而敗又上疏極論節制不專之弊且言分路進兵彼以全力制吾孤軍不若合大兵由一路進及范世雄以湖南兵至因薦為宣撫判官方欲會合親率擊敵會以議和止綱進兵綱亦求罷

遂代還

金尼瑪哈幹里雅布復分道入寇

先是朝廷以肅王為彼所質亦留其使巨藩仲恭以相當踰月不遣其副趙倫懼不得歸乃給館伴邢保曰金有耶律伊都者領契丹兵甚衆貳於金人願歸大國可結之以圖幹里雅布尼瑪哈執政以仲恭伊都皆違責戚舊臣而用事於金當有亡國之感信之乃以蠟書命仲恭致之伊都使為內應仲恭還見幹里雅布以蠟書獻之幹里雅布聞于金主麟府帥折可求又言遼梁王雅里在西夏之北結宋以復怨于

金吳敏勸帝致書梁王由河東之麟府亦為尼瑪哈所得復以聞於是金主晟以尼瑪哈為左副元帥幹里雅布右副元帥分道南侵尼瑪哈發雲中幹里雅布發保州

發明

復者己甚之嗣入寇者外而斥之之詞所以惡金也然考之分注皆由宋人啟釁以致金

人渝盟綱目畧其啟釁之事而直書復入寇者蓋復讐禦侮春秋所尚豈以雪仇恥為非是乎惜其負虛名而末實禍耳雖然欽宗以欲速之心信淺謀之士其機不密厥釁先開社稷邱墟生靈塗炭詎不深可惜哉易曰君不密則失臣臣不密則失身幾事不密則害成觀於此言為益信矣

廣義

甚哉輕信人言之敗事也向使當國大臣不信蕭仲恭折可求之言則金人為無辭而無

以速其南侵也然分注曰侵而大書則曰寇者何蓋潛師掠境曰侵敵人犯邊曰寇書法若此亦存

秋尊中國攘夷狄之意也此又不可不知

徐處仁吳敏許翰罷以唐恪為少宰何臬為中書侍郎
陳過庭為尚書右丞聶昌同知樞密院事李回簽書院
事

翰處仁主用兵而吳敏耿南仲欲和論議不合翰罷
知亳州處仁又與敏爭于帝前處仁怒擲筆中敏面
鼻頰為黑南仲與唐恪聶昌欲排去二人而代之位
諷中丞李回論之於是俱罷初敏以昌猛厲可使助
己自衡州召知開封府不數月拜同知入謝即陳行
禦之策曰三關四鎮國家藩籬也聞欲以界敵一朝
渝盟何以制之願勿輕與而撤天下兵集都畿堅城
守以遏其衝簡禁旅以備出擊壅河流以斷歸路前

有堅城後有大河助兵四面而至彼或南下墮吾網中矣臣願激哈勇義之士設伏開闕出其不意掩其營以報帝壯之命提舉守禦得以便宜行事未幾言者論敏因蔡京進用安置涪州

遣給事中王雲使金軍

先是遣劉岑李若水分使金軍以求緩師岑等還言幹里雅布索歸朝官及所欠金銀尼瑪哈則深譚金銀專論三鎮至是乃遣雲往許以三鎮賦入之數

九月金尼瑪哈陷太原副都總管王稟等死之

尼瑪哈乘勝急攻太原知府張孝純力竭不能支城遂陷孝純被執既又釋而用之副都總管王稟負原廟中太宗御容赴汾水死通判方篴轉運韓揆等三十人皆被害金分兵陷汾州知州張克戩畢力杆掣

城破猶巷戰不克乃南向拜
自引決一家死者凡八人

發明

王稟等為宋守巨城陷而死固其分也然而
慷慨捐生以赴汾水其志可尚由是通判方

策轉運韓揆等三十三人皆無苟免可謂明於君
臣之大義殉難之正理者死得其所宜乎書以予
之也

蔡攸朱勔伏誅

先是竄勔循州籍其家田至三十萬畝他物稱是言
者又論攸與燕山之役禍及天下驕奢淫佚載籍所
無於是遣使即
二人所至斬之

以王寓為尚書左丞○罷李綱知揚州謫中書舍人劉

欽定四庫全書

蘇軾集卷十一

王胡安國于遠州

安國初為太學博士蔡京惡其異已會安國舉永州布衣王繪鄧璋適逸京以二人乃范純仁鄒浩之客賈獻推治安國生除名張商英相始得復官帝即位召赴京師入對言明君以裕學為急聖學以正心為要語甚剴切日昃始退耿南仲聞其言而惡之力諫于帝帝不為動中丞許翰入見帝謂曰卿識胡安國否翰對曰自蔡京得政士大夫無不受其籠絡超然遠迹不為所污如安國者實鮮遂除中書舍人及言者論李綱專主戰議喪師費財罷知楊州舍人劉珪當制謂綱勇於報國吏部侍郎馮澥言珪為綱游說王坐貶安國封還詞頭且論澥越職論事耿南仲大怒何樂從而擠之遂出知通州安國在省一月多在告之日及出必有所論列或曰事之小者盡始置之安國曰事之大者無不起於細微今之小事為不必

言至於大事又不敢言是
無時可言也人服其論

發明

楊氏曰小人不能動君子則國安一動不可
動則萬夫廢一心不可動則萬議息故流言

不能動周公刺客不能動裴度而周唐遂安矣是
時金兵南下山西陷沒此正君臣惕厲講求備禦
之秋而耿南仲當國專主和議讐忌李綱陰擠于
外劉珪當制正言求解誼以遊說珪亦坐貶安國
封還詞頭力劾姦黨見忤羣小出知通州於戲值
國家多難之時正君子進用之日而為小人專輒
黜逐正人欽宗誠可謂寄生之君耳安有身濟眾
危撥亂反正者詎若是之叢脞哉據事直書其失
見自

廣義

李綱之主捍禦劉珪安國之定國論實中興
之良佐也夫何欽宗惑于羣小一切貶逐使

欽定四庫全書

商賈雜錄卷十一

國事曰非敵志日驕馴至於不可維持者豈非不能自貽其咎命歟周公之戒成王曰勿用儉人其惟吉士用勳相我國家其意亦慮此也嗚呼狂瀾不已而伐其砥柱大廈將顛而去其支木而欲瀾之不倒屢之不傾者臣未之信也

置四道都總管府以李回為大河守禦使折彥質為河
北宣撫副使

從何鼎之請分天下二十三路為四道建三京及鄆州為都總管府分總四道兵以知大名府趙野總北道知河南府王襄總西道知鄧州張叔夜總南道知應天府胡璠總東道事楊守決財得專用官得辟置

罷西南勤王兵

金師日逼南道總管張叔夜陝西措置使錢蓋冬統兵赴閩唐恪耿南仲專主和議函檄止諸軍勿前遣給事中黃諤由海道使金以請和

發明

罷者不宜罷也夫除戎器戒不虞乃守國之常事耳今女真日逼京師孤危正宜號召豪

傑徐圖備禦以戒不虞也唐恪南仲之鄙夫方且力主和議函止諸軍其誤國之罪可勝言乎敵方攻掠不息宋乃歛兵議和自古關葺無為之君未有若欽宗之甚者此何異啟戶縱盜而優丐其少取盜安得而舍之哉噫小人之欺蔽其君至是益甚矣故直書以著其失

廣義

觀上條分注所載則知汴宋顛沛之秋其救援之策莫良於何桌也夫何唐恪輩以狐鼠

之見喪金如虎力沮其謀而竟罷西南勤王兵其
事機之失可勝言哉汴宋之亡實判於此況乎金
人之釣宋也專以和議為餌宋人不察而
吞之此膏油所以終潤其鬲鏡也悲夫

夏人陷西安府○金幹里雅布陷真定都鈴轄劉身死
之

种師閔及幹里雅布戰於井陘敗績幹里雅布入天
威軍犯真定身率衆晝夜搏戰久之城陷身巷戰麾
下稍散亡身顧其弟曰我大將也可受賊戮乎因提
刀欲奪門出不果自縊死知府李遜被執北去

發明書曰死之乎全節也金人之犯真定也身率
衆搏戰力竭而死觀其顧弟之言曰我大將
也可受賊戮乎蓋亦明於君臣之大義
者較諸偷生迎降之徒豈可同日語哉

冬十月安置李綱于建昌軍

廣義

綱鳴呼當汴受圍之急其間力排國難者獨李綱一人耳今而喪師失利一則由乎宰執輕

信人言一則墮其和議之計耳宣綱專主用兵之罪哉噫李綱之逐全人之幸綱何負于宋人哉故綱日於綱之逐月之而又地之者所以惡宋人之逐綱而惜綱之去也

金遣使來

金二酉遣楊天吉王沔等以書來詰責索親王詣軍前陳謝仍要割地且求金帛車輅儀物及加其主徽號

罷御史中丞呂好問

金人復至大巨不知所出遣使講解金人佯許而攻畧自如諸將以和議故皆閉壁不出好問乃請迎集滄滑邢相之戍以遏奔衝而列勤王之師于畿邑以衛京城疏入不省金人臨真定攻中山上下震駭廷

臣狐疑相顧循以和議為辭好問率臺屬劾大臣畏懦誤國坐貶知袁州帝閱其忠下遷吏部侍郎

發明

天下無多難有一難小人者多難之宗解難不多術有一術君子者解難之原故洪水非

堯之難而四凶過於洪水四凶非四凶之威而一舜烈於四凶是時姦臣主和好之謀金人恃攻取之策好問言之不從諫之不聽以直罹罪貶知袁州則是言之者何罪而黜之者何心哉蓋由小人之心和無謀畧苟偷目前之安而日後之患皆不之恤也宋始終為小人所誤悲夫上書安置李綱此書罷呂好問皆惜之之詞耳

廣義

好問當言金人得志益輕中國秋冬必傾國復來禦敵之備當速講求足其先見之明羣

臣皆莫能及也奈何疏入不報今也金人果復大至人皆不知所出好問又設備禦之策可謂策之善者也又不見聽迨至金人剝床以膚君臣猶以和議為辭好問出於事不獲已乃率臺屬劾大臣畏懦誤國是亦舉得其當者也反得坐貶惜哉嗚呼前既逐李綱今又貶好問則是宋國空虛無人可憚由是知金之滅宋則固非金之滅宋也乃宋之自滅耳夫豈金之德與智力哉

召种師道還尋卒

師道次河陽遇王油揣敵必大舉亟上疏請幸長安以避其鋒大臣以為怯召還以范訥代之師道尋卒

謚曰忠憲

以馮澥知樞密院事○貶王寓為單州團練副使

命寓副康王使幹里雅布軍託故不行乃貶單州團練副使新州安置

十一月夏人陷懷德軍

知軍事劉銓通判杜翊世死之

籍譚貞家○詔百官議三鎮棄守

王雲至金幹里雅布軍使從吏先還言金人不復求地但索五輅及上尊號且須康王至軍乃議和幹里雅布尼瑪哈亦使王沕等來帝乃命馮澥副康王往王未行而車輅至長垣為金人所却王遂不行至是雲還言金人中變今必欲得三鎮不然則進兵取汴都中外駭震詔集從官于尚書省議割三鎮百官多

請割與以紓國禍何果曰三鎮國之根本奈何一旦棄之且金人無信割亦來不割亦來唐恪耿南仲等力主割地果論辨不已因曰河北之民皆吾赤子棄地則並其民棄之為民父母而棄其子可乎帝悟乃止果退謂恪曰割三鎮則傷河外之情不割則太原真定已失不若任之恪唯唯遂詔河北河東京畿清野令流民得占官舍寺觀以居禁京師民以浮言相動者

發明

承平之世在德不在險衰亂之世在德亦在險何者承平之世皇風清穆治教休明人心

自安天下自固災害不生禍亂不作所以在德而不在險也衰亂之世紀細陵夷法度廢弛人心皇惑天下蕭然邊患盜賊接踵而起所以在德而亦在險也三鎮宋之藩屏乃必守而不可棄者苟棄三鎮則宋以險要界敵而國不可守矣況金人深入不思備禦尚欲議其棄守哉直書詔議深譏之

也

廣義

太原中山河間乃陵寢之所在國之根本也雖五尺童子皆知其不可棄何以議為觀此

一舉則宋人識見之
早可知矣不亡得乎

金尼瑪哈陷河東諸州郡李回折彥質師潰金人遂渡

河陷西京詔馮澥使金軍請和

尼瑪哈自太原趨汴所至破降平陽府威勝隆德軍澤州皆陷官吏棄城走者遠近相望尼瑪哈至河外宣撫副使折彥質以兵十二萬拒之夾河而軍時李回以萬騎防河亦至河上尼瑪哈曰南軍亦衆與之戰勝負未可知不若加以虛聲遂取戰鼓擊之達旦彥質之衆皆潰李回亦奔還京師金和尼帥衆先渡

孟津尼瑪哈從之於是知河陽燕英河南留守西道
都總管王襄皆棄城走永安軍鄭州悉降于金尼瑪
哈既渡河不復言三鎮直遣人來言欲盡得兩河地
請盡河為界於是京師戒嚴遣馮淵李若水往使行
至中牟守河兵相驚以為金兵至左右謀取間道去
淵問何如若水曰戍兵畏敵而潰奈何效之今正有
死爾敢言退者斬爾乃定既行若水屢
附奏言和議必不可請乞中鉤守備

發明

觀此則宋人積弱之情可見矣以河東諸郡
不能抗烏合之金以大河東兵不能禦一郡

之敵但見棄城逃者有之倒戈迎降者有之望風
奔潰者有之固敢北向而發一矢使女真長驅如
蹈無人之境廟堂良策惟冀求和而興兵拒敵之
謀為妄設矣宋事至此微何為哉故夫書李回折
彥質師潰金人遂渡河可見李折之兵難足拒敵
因其自潰敵乃渡河所以深罪其怯也書詔馮淵

使金軍請和請者下求上之詞所以深
譏其弱也綱目之修內夏外夷而已

廣義

抑考是年二月尼瑪哈入威勝軍陷隆德府
按春秋傳造其國都曰入三月种師中姚古

復之至是十一月金人復得陷河東諸州郡者何
子以見宋人之無備也誠能於姚种二帥收復之
日一如李綱好問之謀不惑於唐恪南仲聶昌井
蛙之見則金人且將北奔之不暇其能復陷我疆
哉傳說之告高宗曰惟事事有
備有備無患欽宗奚足知此

下哀痛詔徵兵于四方

發明

嗚呼欽宗至是無可言者矣然書下哀痛詔
徵兵于四方則見其創垂之急猶有望於救

解之意而遠近諸郡漠然未聞有一人惻然哀憫
奔赴君父之厄者則是小人先威虐敵足以脅制

天下而忠臣義士束手無策亦且莫之救也主危如此彼唐恪耿南仲諸人懷姦譖國各自封植其亦可愧也已其亦可誅也已人主觀此可不兢兢業業也哉其與唐昭宗書遣間使告難于四方同意

詔王雲副康王構使金軍許割三鎮至磁州州人殺雲構還次相州

雲固請康王往使詔以資政殿學士副王使幹里稚布軍許割三鎮奉表見王輅尊金主為皇叔且上尊號十八字王由滑渚至磁州守臣宗澤迎謁曰肅王一去不返今敵又詭辭以致大王其兵以迫復去何益願勿行先是王雲奉使過磁相勸兩郡撤近城民舍運粟入保為清野之計民怨之及是次磁會康王

出謁嘉應神詞雲在後民遮道諫王勿北去屬臂指
雲曰真無賊也王出廟行民譟執雲殺之幹里雅布
單濟河遊兵日至磁城蹤跡王所在知相州汪伯彥
亟以帛書請王如相服纁鞬部兵以迎於河上王遂
行至相勞伯彥曰他日見上當以京兆薦公由是受
知議者以為是役雲不死王必至金無復還理相州
湯陰人岳飛少負氣節家貧力學尤好左氏春秋孫
吳兵法有神力能挽弓三百斤弩八石劉韜宣撫真
定募取戰士飛與馬屢擒劇賊至
是因劉浩以見王以為承信郎

發明

天下歸之則為天子天下叛之則為獨夫是
以古之聖王行仁政以得民心恒厥德以凝

天命未聞無故而以土地人民與人者以土地人
民與人則自絕天下其不可也必矣宋自金人再
侵遂巡畏縮無歲不以割地為議抑何庸謬若是
耶迨夫民殺王雲以示不叛欽宗獨無愧於心哉

綱目直書不再
貶而其失自見

廣義

嗚呼天道之密人豈能測哉假使康王投足
北庭則必不能延南宋一百五十二年之祚

天其或者錫盾
藝祖其信然矣

何杲罷以陳過庭為中書侍郎孫傳為尚書右丞

杲主戰守與唐恪耿南仲不合罷為開封尹傳為兵
部尚書上書乞復祖宗法度帝問之傳對曰祖宗法
惠民熙豐法惠國崇
觀法惠姦時謂名言

以郭京為成忠郎選六甲兵以禦金

孫傳因請丘濬感事詩有郭京揚適劉無忌之語於
市中訪得無忌於龍衛中得京好事者言京能施

六甲法可以生擒金二將而掃蕩無餘其法用七千七百七十七人朝廷深信其言不復疑命以官賜金帛數萬使自募兵無問伎藝能否但擇年命合六甲者所得皆市井游惰旬日而足敵攻益急京談笑自如云擇日出兵三百可致太平直襲擊至陰山乃止傳與何桌尤尊信之或謂傳曰自古未聞以此成功者正或聽之姑少付以兵俟有尺寸功乃稍進任今委之太過懼必為國家羞傳怒曰京殆為時而生敵中瑱微無不知者幸君與傳言若告他人將坐沮師之罪瑗使出又有劉孝鴻等募衆或稱六丁力士或稱北斗神兵或稱天闕大將大率效京所為識者危之京嘗曰非至危急吾師不出

發明

楊氏曰易中極亂之詞未有痛於否之象者匪人一出何速至於天地之不交而萬物不通

通上下不交而天下無邦乎萬物不通則舉天下而為墟天下無邦則舉國家而為墟小人之禍何

若是烈也然則當世道傾危之時正選將擇兵之日郭京狎邪小人市井無賴頃因孫傳無識誇率以爲於朝加官錫爵信任不疑豈有所謂六甲之兵而能禦敵者邪嗚呼以市井游惰之輩抗方張不制之師何異泰山之壓卵乎語曰以不教民戰是謂棄之宋室君臣何其愚哉他日郭京敗走京城隨陷然而輕信無藉之徒者可以鑒矣

廣義

抑考古者兵誌之辭有曰同力度德同德度義蓋言力同則有德者勝德同則有義者勝

度德較善惡也度義較曲直也一勝一負惟願德義何如耳未聞以六甲妖術而能勝人也孟子嘗曰天時不如地利郭京之法又非孟子之所謂天時也且以何桌孫傳之賢尚尊信之況其他乎跡其流弊其原皆出於徽宗靈素之邪妄而徽宗之邪妄又本于神宗天書之譸張為幻也嗚呼君心

不正而流毒至於如此之慘孰謂正心誠意之學而無益于人國也哉今觀郭京於事勢窮促之際而藉此妖術以免禍正猶莽賊之坐斗以避兵也噫王莽以苟而亡欽宗以弱而敗金人無光武之仁光武非金人之謫興亡之跡大率類此可恠也夫

遣耿南仲聶昌使金軍許盡割兩河地昌為絳人所殺

南仲奔相州

聶里雅布遣使來議割兩河地帝許之命耿南仲往報南仲以老辭改命聶昌昌以親辭陳過庭曰主憂臣辱願效死帝為揮淚太息而怒南仲及昌乃命南仲如河北幹里雅布軍昌如河東尼瑪哈軍昌言兩河之人忠勇萬一為所執死不瞑目矣行至絳州人米堅壁拒之昌持詔抵城下縋而登鈴轄趨于清危

衆殺昌扶其目而嚮之初南仲為東宮官十年自請
首當柄用而吳敏李綱越次進位在己上心不能平
故每事異議力沮戰守與吳升聖請割地以成和好
故朝廷戰守之備皆罷致金師日逼至是與金使王
訥偕行至衛州衛鄉兵欲殺訥訥脫去南仲遂奔相
州以帝旨喻康王起河北兵入衛京師因連署募兵
情始安

發明

前書割三鎮此書割兩河則是以前祖宗之地
為媚獻之資何其愚耶且祖宗拔堅執銳親

犯矢石百戰而得疆域割以畀金易於反掌心安
忍乎嗚呼金人欲三鎮則以三鎮與之欲兩河則
以兩河與之願指氣使罔敢違逆宋之事全如子
之事父舉天下而聽命於敵人豈不深可痛哉迨
夫鼎昌被殺南仲奔相則是其民知人類之幾於
淪胥相率守義違命不降宋自絕乎民而民不背

乎宋然則宋之君臣亦可謂頑鈍無耻者矣綱目直書于策者既著強敵之貪婪又譏宋人之削弱也

以孫傳同知樞密院事曹輔簽書院事○以范致虛為陝西五路宣撫使會兵入援○金人入懷州知州事霍安國等死之

安國被圍扞禦不遺力昂遣兵至亦相與共守拜敵猷閣侍制城竟陷尼瑪哈引安國以下問不降者為誰安國曰守臣安國也問餘人通判林淵鈴轄張彭年都監趙士訐張謨子潛昂遣將沈敷張行中及隊將五人同辭對曰淵等與知州一體皆不肯降尼瑪哈令引於東北鄉望拜亦不屈乃解衣面縛殺十三

人而釋其餘安
國一門無噍類

發明

責難陳善人臣敬君之本然仗節死義人臣
應變之當然安國等被圍扞禦不遺力城陷

而死固其分也觀其對金之言是蓋勇於為義者
故特書死之所以予其全節也又豈求生害仁之

可此
哉

金幹里雅布尼瑪哈圍京城要帝出盟

幹里雅布自真定趨汴僅二十日至城下屯劉家寺
尼瑪哈自河陽來會屯於青城使劉晏來要帝出盟
時西南兩道援兵為唐恪耿南仲遠運於是四方無
一人至者城中惟衛士及弓箭手七萬人乃以萬人
分作五軍備緩急救護命姚友仲辛永宗分領之以
五萬七千人分四壁守禦遣使以蠟書間行出關召

兵之約康王及河北守將來援多為邏兵所獲唐恪計無所出密言于帝曰唐自天寶而後屢失而復興者以天子在外可以號召四方也今宜舉景德故事留太子居守而幸西路連撫秦雍領天下兵親江以圖興復帝將從之開封尹何栗入見引蘇軾所論謂周之失計未有如東遷之甚者帝翻然而改以足頌地曰今當以死守社稷

發明

書要帝出盟辱之也是時勤王之師稍集乃為唐恪等遣還以至強隣壓境計無所出欲

效景德故事令天子出奔避敵庸臣誤國至此是誠何心欽宗主中國不能自強縱敵深入弗克備禦迨至城下要帝出盟其屈辱益甚矣要皆其君臣之所自取也夫人必自侮而後人侮之欽宗既不能修政治以安中國反為之屈已求和割地資敵其庶恥道喪三綱淪沒是真所謂城下之盟矣

女能望其王赫斯怒爰整其旅以遏徂莒以篤周祜以對于天下哉直書要帝出盟所以深懼之也

李回免○南道都總管張叔夜將兵勤王

叔夜聞召即日自將中軍令子伯奮將前軍仲雄將後軍合三萬餘人與金游兵轉戰而前至都下帝御南薰門見之軍容甚整入對言賊鋒甚銳願如明皇之避祿山楚詣襄陽以圖幸雍帝不答時東道都總管胡直孺亦將兵入衛與金人遇于拱州兵敗被執金人示于城下都人大懼

發明

欽宗失謀再貽敵禍女真兩犯京師逼逐乘輿是時叔夜一聞檄召帥兵入援而綱目特

書其將兵勤王者予其有急君之心也向使欽宗早從李綱之言叔夜早懷入援之義又安有復至

之患哉吁

復元豐三省官名○以何臬為門下侍郎○閏月唐恪免以何臬為尚書右僕射兼中書侍郎

恪從帝巡城為都人逐擊策馬得脫遂卧家求去御史胡舜陟劾恪知慮不能經畫邊事但長於文結內侍今國勢日蹙誠不可以備位乃罷

馮澥至自金軍以為尚書左丞

澥與李若水至懷州金使蕭慶扶與俱還自後凡三遣慶來堅請帝出會盟

詔張叔夜簽書樞密院事將兵入城

朱熹曰叔夜領兵合駐旁近以為牽制且伸縮自如一入城便有牽制所以迄無成功

金人要親王出盟遣馮澥曹輔以宗室往受盟金人不許

金人屯青城日縱兵攻掠殿前副都指揮使王宗漢與金人戰於城下敗死金人攻南壁張叔夜范攸分兵禦之遙見金兵奔還自相蹈籍死者以千數乃遣間使趣召諸道兵兵無至者城中惟衛士三萬可用然亦什失五六因時令挑戰以示敢敵金人復來言不須上出城請親王及何鼎往議詔越王往將行而尼瑪哈以兵來近王乃止於是金人宣言失信攻城益急再遣使來趣親王出盟詔遣馮澥曹輔與宗室仲溫士誨如金軍以請和既至尼瑪哈即遣還不與交一語

發明

若是宋人之愚也敵兵臨城南恃和議未聞有一人能與破敵之謀者宜乎為金人之輕

侮也據事直書則
強弱之勢可見矣

詔康王構為天下兵馬大元帥

殿中侍御史胡唐老言康王奉使至磁為士民所留
乃天意也乞就拜為大元帥俾率天下兵入援何巢
以為然密草詔藁上之帝令募死士得秦仔劉定等
四人遣持蠟詔如相州拜王為兵馬大元帥知中山
府陳遼為元帥汪伯彥宗澤為副元帥使盡起河北
兵連入衛仔至相州於項髮中出詔王讀之嗚咽軍
民感動

彗星出長竟天○郭京出禦金軍敗走京城陷帝如金

營請降

金人攻通津宣化門范瑄以千人出戰渡河水裂沒者五百人自是士氣益挫會大雨雪連日不止何鼎乃數趣郭京出師京徙期再三至是京盡令守禦人下城毋得竊窺因大啟宣化門出攻金師京與張叔夜坐城樓上金兵分四翼譟而前京兵敗退走墮死於護龍河填屍皆滿城門急閉京白叔夜曰須自下作法因下城引餘衆南遁金兵遂登城衆皆披靡四壁兵皆潰金人焚南薰諸門統制姚友仲死於亂兵四壁守禦使劉廷慶奪門出奔為追騎所殺統制何慶言陳克禮中書舍人高振力戰與其家人皆被害京城遂陷帝聞城陷慟哭曰不用种師道言以至於此衛士入都亭驛執金使劉晏殺之軍民數萬皆左掖門求見天子帝御樓諭遣之衛士長蔣宣率其衆數百欲邀乘輿犯圍而出左右奔竄獨孫傳梅執禮呂好問侍宣抗聲曰國事至此皆宰相信任姦臣不用直言所致孫傳訶之宣以語侵傳好問譬曉之曰

若屬忘家族欲冒重圍衛上以出城忠義然乘輿將
駕必甲乘無缺而後動詎可輕邪宣誅服曰尚書真
知軍情麾其徒退何桌欲親率都民巷戰金人宣言
議和退師乃止帝聞金人欲和而退命何桌及齊王
相使其軍以請成尼瑪哈幹里雅布曰自古有南即
有北不可相無也今之所議期在割地而已桌還言
金人欲邀上皇出郊帝曰上皇驚憂而疾必欲之出
朕當親往遂如青城尼瑪哈軍奉表請降桌喜和議
成既歸都堂作會飲酒談笑終日史臣曰金人自陷
太原以來即以講和割地為言李邦彥吳敏敦南仲
唐恪皆墮其計獨何桌孫傳以為地不可割朝廷任
之然初無奇策可以濟難城破乃反傾意講和夫不
信于造謀之始而信于破城之後棄天下之
望致君播遷由惑于和議而戰守不回也

發明

是殆兵禍偏及之兆歟時金人圍汴守禦單

弱禦乎若一絲之引千鈞朽索之御六馬彼賊臣
志在求和而不主戰守欺君罔民亦已甚矣迨夫
簽市井之白徒授郭京以出敵此何異驅羣羊而
搏猛虎多見其不知量也綱目書京出禦金軍於
薺出之下則其矯誣之情固自可見然京甫敗走
大梁隨陷宋之君臣斂手無策但見天子慟哭宰
相乞盟而已使宋之君臣能知國君死社稷之義
便當獎率軍民背城一戰同死社稷庶幾可也夫
何惑何梟之淺謀以和議為足恃親幸金寨上表
請降屈萬乘之尊輕宗社之重則是含垢忍辱北
面而事人者耳亡國之君死之上也逃之雖非猶
有耻焉降則為下直書請降惡其服為臣妾故貶
而絕之也若欽宗者難
乎免於春秋之所罪也

廣義

嗚呼欽宗當國步艱難之日主用兵者如水
沃石主和議者如魚投水至於無可奈何則

甘屈萬乘之尊而降于敵國稍有羞惡者肯如是乎蓋由徽宗身既不正不能擇正人端士以為青宮之傳預養欽宗浩然之氣故也其於國君死社稷之義何曾入於耳哉如金之耻未為不當

十二月康王構帥師入衛次于東平

康王開大元帥府于相州有兵萬人分為五軍而進既渡河次于大名宗澤以二千人與金人力戰破其三十餘營履冰渡河見王曰京城受圍日久入援不可緩王紂之既而知信德府梁揚祖以三千人至張俊苗傅楊沂中田師中等皆在麾下兵威稍振會帝遣曹輔齋蠟詔至云金人登城不下方議和好可屯兵近甸毋動汪伯彥等皆信之宗澤獨曰金人狡譎是欲款我師爾君父之望入援何啻饑渴宜急引軍直趨澶淵次第進壘以解京城之圍萬一敵有異謀則吾兵已在城下伯彥難之勸王遣澤先行王乃命

澤趨潼淵自是澤不得預帥府事矣
耿南仲及伯彥請移軍東平從之

發明

春秋紀兵伐而書次以次為善救而書次以次為譏次于東平譏之也易於譙之六五則

曰利侵伐師之六四則曰左次無咎進退易怯之
顧義何如耳康王徽宗之子欽宗之弟既受大元
帥之職又領速入衛之言父兄受厄危如累卵此
義之所當勇者況諸將奮發兵威稍振王宜斷以
大義帥師解難以舒父兄之憂可也夫何惑汪伯
彥之邪言違宗汝霖之正議怯懦恐懼僅次東平
於戲宗社之厄勢猶倒懸全人之讐不共戴天康
王豈忍視宗社倒懸而不解全讐戴天而不報哉
直書于策
深譏之也

廣義

觀分注載宗澤之策則京城之圍不足解矣
夫何康王惑於伯彥之畏懦而不見聽焉良

可惜也嗚呼前有李綱而不用其謀後有宗澤而不行其計則汴宋之亡厥有由矣

帝至自金營遣使如兩河割地以畀金

帝還宮士庶及太學生迎謁帝掩面大哭曰宰相誤我父子觀者無不流涕金遣使來索金一十萬錠銀二千萬錠帛一十萬疋於是大括金銀定京師米價勸糶以振民縱民伐紫筠館花木以為薪以陳過庭折彥質等為割地使如河東北割地以畀金又分遣歐陽珣等二十人持詔而往珣常上書極言祖宗之地尺寸不可以與人復抗論當與力戰戰敗而失地他日取之直不戰而割地他日取之屈時宰怒欲殺珣乃以珣為將作監承奉使割深州珣至深州城下慟哭謂城上人曰朝廷為姦臣所誤至此吾已辨死來矣汝等宜勉為忠義報國金人怒執送燕焚死之

發明

書至自金營危之也欽宗受祖宗之付託屬

降金由其無禮義養心故也苟有人心必自憤耻
今而身降于敵復思割地界金則是已不能保社
稷而反使人叛社稷耳將何顏面以見宗廟臣民
乎及其還宮士庶迎謁掩面大哭歸罪宰相嗚呼
自己昏昏馬能使人昭昭既知宰相之誤曷不謹
之於始既知降敵之辱曷不慮之於終幸而還宮
猶惜一死與其服為臣虜曷若舍生取義泣血漣
如何濟於事乎孟子曰無恥之恥無恥矣欽宗之
謂也故綱目特書以深貶之

人主觀此可不及時為善哉

廣義

書曰帝至自金營即春秋公至自乾侯之義
也蓋臣子喜君父之反致家廟之辭春秋明

君臣大倫綱目所以祖春秋者以此獨悲夫割地
之策為益愚矣何則敵情狡猾割亦來不割亦來

蓋力能解圍以圖恢復則如周書所謂率寧人有指疆土不能則如孟子鑿池築城以盡國君死社稷之義也割地之策果何益哉

范致虛會師入援至鄧州師潰

致虛聞汴京圍急會陝西節度使錢蓋之師凡十萬入援至潁昌聞汴京破西道總管王襄南遁致虛獨與西道副總管孫昭遠環慶帥王似熙河帥王倚帥步騎號二十萬命馬祐昌統之以趨汴以僧趙宗印為叅議官致虛將大軍遵陸宗印將舟師趨西京宗印又以僧為一軍號尊勝隊童行為一軍號爭勝隊致虛勇而無謀委己以聽于宗印宗印徒大言實未嘗知兵師出武關至鄧州千秋鎮金將羅索以精騎衝之不戰而潰死者過半王似王倚孫昭遠等留陝府致虛收餘兵入潼關

發明

以行師之道貴乎得正又不可使小人參之今

議官是弟子帥師雖正亦凶也故綱目於此以自
潰為文若曰二十萬之衆無有能潰之者致虛自
潰之云爾夫以宗社危急日望援師而致虛輕慮
淺謀師徒撓敗豈不深可惜哉君子責望當時之
意深矣

金初稅牛具

每牛三頭為一具
每牛具賦粟五斗

發明

金之行政未嘗書此何以書見病民為重事
也牛乃民耕之所資既有常賦牛不可稅也

今而每牛三頭為一具每牛具賦粟五斗則是常
賦之外復加賦焉其病民深矣特書曰初蓋譏之

也

丁未二年五月高宗皇帝構建炎元年金天會五年春正月詔兩河民降金民

不從

陳過庭至西河民堅守不奉詔至是復詔兩河民開門出降民猶不肯

廣義

聞有國勢日促而民欲降敵者罪其所降之民未聞使民降敵而民反不從者也嗚呼為

宋民者尚能守義如此而欽宗反不能為社稷守是誠何心哉噫欽宗此舉縱不愧于心獨不愧于

斯民乎

帝命太子監國復如金軍

金人索金銀急且再邀帝至營帝有難色何桌李若水以為無虞勸帝行帝乃命孫傳輔太子監國而與桌若水等復如青城唐恪聞之曰一之為甚其可再乎閭門宣贊舍人吳革亦白桌曰天文帝座甚傾車駕若出必墮敵計桌不聽

發明

民惟邦本本固邦寧國以民為本民以君為宗古之人君兢業守邦惟恐民心之或叛安

有詔令降金乎迨夫民不肯從猶有耻焉欽宗使降無耻甚矣復者已甚之詞欽宗既如金營幸而得返苟或復往必墮計中當時羣臣不知可否何桌李若水之正人尚有無虞勸行之說唐恪之姦邪乃有一之為甚之言是誠宰相之誤宋也何桌固不足道李若水亦為是言豈不深可惜哉及其劫帝北行若水死節嗚呼亦晚矣比而觀之其義自見

河東割地使劉韜自經于金軍

韜至金營金人使僕射韓正館之僧合謂韜曰國相知君今用君矣韜曰偷生以事二姓有死不為也正曰軍中議立異姓欲以君為正代與其徒死不若北去取富貴韜仰天大呼曰有是手歸書片紙曰貞女不事二夫忠臣不事二君況主辱臣死以順為正者妾婦之道此予所以必死也使親信持歸報其子子羽等即沐浴更衣酌卮酒而縊金人嘆其忠瘞之寺西岡上遍題愍壁以識其處凡八十日乃就斂顏色生如

發明

劉韜死義表表無疑然何以不書死之而書自經狗名責實也夫以金雖強武不能以威

屈韜爰命館伴以善諭降觀其偷生以事二姓有死不為之言至今凜凜猶有生氣沐浴更衣酌酒

自經何從容也故特書自經於金軍以著其死節之實若曰谿之忠義為敵所服敵不能害而谿自經之云爾豈若匹夫匹婦之為諒也自經于溝瀆而莫知之者哉此綱目書法之深意君子宜細觀之

副元帥宗澤大敗金人于衛州

欽宗失國距此
纔四月耳宗澤一
木之支其力幾
何十三戰皆捷
似有虛冒也曩
勦逆賊時我兵
偶失利緣旌營
將猶以捷聞將

澤自大名至開德與金人十三戰皆捷遂以書勸康王檄諸道兵會京城又移書北道總管趙野河東北路宣撫范訥知興仁府曾楸合兵入援三人皆以澤為狂不答澤遂以孤軍進至衛南先驅云前有敵營澤揮衆直前與戰敗之轉戰而東敵益生兵至澤將王孝忠戰死前後皆敵壘澤下令曰今日進退等死不可不死中求生士卒知必死無不一當百斬首數千金人大敗退却數十里澤計敵衆勢必復來乃暮

軍詰之曰明朝
舊例皆然可見
陋習相沿其來
已久

徙其營金人夜至得空營大驚自是憚澤不敢
復出兵澤出其不意遣兵過大河襲擊敗之

發明

徽宗寵一蔡京使宗廟社稷皆不相係此康
王所切齒者也而又信一汪伯彥使之縱敵

猖獗沮抑援師遂致覆亡宗社何哉綱目書副元
帥宗澤大敗金人于衛州而不言帥師是無兵可將
也向非宗澤敢勇當先倡義殺敵則宋為無人手鳴
呼小人之禍至此宋帝猶不知悟則亦末如之何
已也

遼耶律達實建都于呼遜

西遼主達實引兵東還行二十日得善地遂建都城
號乎遜鄂爾多改元康國以蕭鄂囉羅為都元帥率
騎七萬東征以青牛白馬祭天誓衆復興鄂囉羅行
萬餘里無所得牛馬多死勒兵而歸達實曰皇天弗

順數也

大風霾雲霧四塞○二月金刼上皇及后妃太子宗戚至其軍吏部侍郎李若水死之

帝自如青城都人日出迎駕而尼瑪哈留不遣太學生徐撥上書請帝還宮金人取而殺之烏奇邁得帝降表遂廢帝及太上皇帝為庶人知樞密院事劉彥宗請復立趙氏不許丙寅金人壅南薰門路人心大恐丁卯金人令翰林承旨吳升吏部尚書莫傳入城令推立異姓堪為人主者且邀上皇出城孫傳曰吾惟知吾君可帝中國爾若立異姓吾當死之上表金人請立趙氏不報京城巡檢范瓊逼上皇與太后御犢車出宮鄆王楷及諸妃公主駙馬及六宮有位號者皆行獨元祐皇后孟氏以廢居私第獲免初金人

以內侍郤述所具諸王皇孫妃主名機開封尹徐東
哲盡取之秉哲令坊巷五家為保母得藏匿前後凡
得三千餘人東哲悉令衣袂相聯屬而往金人逼帝
及上皇易服若水抱帝而哭詆金人以惡聲金人曳
若水出擊之敗面氣絕仆地尼瑪哈令鐵騎十餘守
視曰必使李侍郎無恙若水絕不食或勉之曰事無
可為者公今日順從明日富貴矣若水嘆曰天無二
日若水寧有二主哉其僕亦慰解之曰公父母春秋
高若少屈冀得一歸觀若水叱之曰吾不復顧家矣
金人又逼上皇召皇后太子孫傳留太子不遣統制
吳革欲以所募士微服衛太子潰圍而出傳不從而
密謀匿之民間別求狀類太子者及宦者二人殺之
並斬十數死囚持首送之紹金人曰宦者欲竊太子
出都人爭鬪殺傷誤中太子因帥兵討定斬其為亂
者以獻苟不已則以死繼之越五日無肯承其事者
吳玠莫儔督脅甚急范瓊恐變生以危言警衛士逆

擁皇后太子共車而出傳曰吾為太子傳當同死生
遂以留守事付王時雍從太子出百官軍吏奔隨太
子號哭太子亦呼云百姓救我哭聲震天至南薰門
范瑒力止傳金守門者曰所欲得太子留守何預傳
曰我宋之大臣且太子傳也當死從遂宿門下以待
命若水在全營旬日尼瑪哈召問立異姓狀若水因
罵之為副賊尼瑪哈令擁之去若水反顧罵並其謂
其僕曰為我國死職耳奈併累若屬何又罵不絕口
監軍搥破其唇噴血罵愈切互以刀裂頸斷舌而死
全人相與言曰遼國之亡死義者十數南朝唯李侍
郎一人呂中曰李若水嘗主車駕出城者也使其不
死亦在誤國之數惟其一死明白昭晰故誤國之罪
釋而言忠
義者稱焉

發明

風霾雲霧皆陰逆怨氣交并所致也是時宋
室微兵戎滿野風霾雲霧四塞膏蒼特以

著其昏暗慘惻之象耳綱目書金劫上皇后妃太子等於大風霾雲霧四塞之下則其義固自可見蓋金舉號譏其殘暴也劫者強執之詞賊而斥之也宋庭諸臣依阿忍恥無一死義者獨李若水知宋人之不可降於金人大罵不屈指軀殉國雖云無補志可尚已當時宰執豈不愧哉宜乎金笑其無人也故綱目特書以著其節

金人大括金帛殺戶部尚書梅執禮等

時金人邀索金帛每曰和議已定但所需湊數則奉天子還闕梅執禮及禮部侍郎陳知質刑部侍郎程振給事中安秩皆主根索四人哀民力已困相與謀曰金人所欲無藝極雖銅鐵亦不能給盍以軍法結罪懲窒其求而宦者挾宿怨語金人曰城中百萬戶所取未百一但許民持金銀換米麥當有出者已而

果然金酋怒呼四人責之執禮等曰天子蒙塵臣民
皆願致死雖肝腦不計於金銀何有哉顧比屋朽空
無以塞命爾金人問官長何在振恐執禮獲罪遽前
曰皆官長也金人怒先取其副胡舜陟等各杖之百
撻四人殺之而梟其首
士庶莫不隔涕憤歎

發明

書大括金帛著金兵之貪婪無厭也殺殺無
罪也夫以金兵之暴貽禍至此皆由宋室不

能自立而使無辜之民困於誅索忠義之士辱於
刀鋸豈非奸邪誤國專主和議之所致乎是時金
人方大索金帛執禮等正言辨論皆罹杖殺不亦
悲乎宋室不幸而為金人專制擅其生殺陵虐大
臣可勝歎哉故特具官而書殺既嘉執禮之不
辱又惡金人之貪殘其垂世立法之意深矣

康王構次于濟州

欽定四庫全書

卷十一

王有東八萬分屯濟濮諸州高陽關路安撫使黃潛
善總管楊惟忠亦以部兵數千至東平王遣真定總
管王淵以三千人入衛宗廟金人聞之遣甲士及中
書舍人張徽賁蠟詔自汴京至命王以兵付副師而
還京王問計於左右後軍統制張俊曰此金人詐謀
耳今大王居外此天授豈可徒往因請進兵王遂如
濟州既而金人謀以五千騎取康王呂好問聞之遣
人以書白王曰大王之兵度能擊則邀擊之不然即
宜遠避

發明

觀此則康王誠無意救君父之難者矣是時
車駕蒙塵宗社震恐此正臣子憤惋激切奮

不顧身之日也四方征鎮擁兵自回未聞有勤王
之師康王有兵八萬戰將數員又非力寡不敵之
比當斷以大義獎率三軍北向一決子弟之衛父
兄亦職分之宜然耳康王何故去年次東平今年

次濟州優柔不斷坐失事機安忍視君父宗社之危而不急救之乎孟子曰無惻隱之心非人也嗚呼君父受辱理宜惻隱今而擁兵不救是無惻隱之心矣故直書次于濟州所以深譏之也

金人議立異姓執孫傳張叔夜及御史中丞秦檜

吳升吳傳役召百官議立異姓衆莫敢出聲相視久之計無所出王時雍問於升傳二人微言敵意在張邦昌時雍未以為然通尚書員外郎宋齊愈至自金營衆問金人意所主齊愈取片紙書張邦昌三字示之時雍乃決遂以邦昌姓名入議狀張叔夜不肯署狀金人執叔夜及孫傳置軍中尼瑪哈召叔夜紇之曰孫傳不立異姓已赦之公年老大家豈可與傳同死叔夜曰世受國恩義當與之存亡今日之事有死而已金人皆義之太常寺簿張浚開封士曹趙鼎司門員外郎胡寅皆逃入太學不書名唐恪書名柳藥

而死已而時雍復集百官詣秘書省至即閉省門以
兵環之俾范瓊論衆以立邦昌意衆唯唯時雍先署
狀以率百官御史馬伸獨奮曰吾曹職為爭臣豈容
生視乃與御史吳給約中丞秦檜共為議狀願復嗣
君以安四方且論邦昌當上皇時竊國亂政以致社
稷傾危金人怒執檜去吳玠莫儔持狀詣軍前邦昌
入居尚書省

發明

凡書執者執無罪也力屈而被執也上書金
人議立異姓下書執孫傅等則傅等不助金

人之意可見矣噫宋室至是無可為者舉天下之
大聽命於金人要天子出盟則天子往却宗戚至
軍則宗戚行括金帛則殺廷臣立異姓則執臺諫
而其間絕無有倡鳴大義與之一決者然則宋室
之弱益可見矣金人之強於
斯極矣綱目垂戒亦深切矣

三月金立張邦昌為楚帝閤門宣贊舍人吳革率眾討邦昌不克而死

金人勸進邦昌始欲引決或曰相公不前死城外今欲塗炭一城邪適金人奉冊寶至邦昌北向拜舞受冊即位號大楚遂升文德殿設位御床西受賀遣閤門傳令勿拜王時雍率百官遽拜邦昌但東面拱立閤門宣贊舍人吳革恥屈節異姓率內親事官數百人皆先殺其妻孥焚所居舉義金水門外范瑄詐與合謀令悉棄兵仗乃從後襲之殺百餘人捕革併其子殺之又擒斬十餘人是日風霾日暈無光百官慘沮邦昌亦變色唯時雍吳玠莫儔范瑗等欣然以為有佐命功邦昌心不安拜官皆加權字以時雍權知樞密院事領尚書省拜權同知樞密院事儔權簽書院事呂好問權領門下省徐秉哲權領中書省邦昌

見百官稱予手詔曰手書雖不改元而百官文移必
去年號好問所行文書稱靖康二年百官猶未以帝
禮事邦昌唯時雍每言事稱臣啟陛下又勸邦昌坐
紫宸重拱殿以見金使好問爭之乃止時雍復議肆
赦好問曰四壁之外皆非我有將誰赦邪乃止赦城
中而還郎官為四方密諭使及金人將還邦昌詣營
祖之服柁袍張紅蓋所過設香案起居時
雍東哲升幄皆從士庶觀者無不感愴

發明

金舉號斥之也斥金則斥邦昌矣邦昌召父
於金苟馬無恥是與金為一矣故書金立為

帝所以明其不宜立也邦昌篡逆舉朝和之舉天
下和之是無一人知義者獨吳革恥屈節異姓奮
志起兵從者僅數百人可謂微之微者矣然書爵
書討書死者所以正逆賊之罪褒死節之義為後
世勸也雖不克而死然聲大義於天下使邦昌之
罪並以暴著其有功於宋為如何哉其與書漢劉

崇起兵討莽不克而死義
同君子宜合前後觀之

廣義

甚矣天下之不可苟得也非功德兼隆澤被
生民普天率土之願戴者不可也故舜以天

下與禹以禹有地平天成之功禹以天下讓皋陶
以皋陶有民協于中之德湯德日新故萬邦惟懷

文德緝熙故西土怙冒迨夫二周分治世道日衰
為君者君道廢弛為臣者臣節凌夷亂臣賊子接

跡當世是以弑君如魯桓逐嫡如鄭厲者肩磨袂
屬下至秦漢魏晉隋唐五代或即位未幾而遽滅

其君或折節下士而居攝尊位或奸雄自逞而挾
制天子或把握政柄而弑君立君篡奪相尋裂為

南北亦有負托之寄而竊移其鼎者享國不永而
禍及其子孫甚則至於以賊黨而敢行篡逆以異

姓而入繼大統屈身外邦而騷人於中國者有之
毀傷其膚而冒居于黃屋者有之是皆無功無德

于民惟以詐力相高負乘南面故天之報之使其國祚不長而各罹厥禍其間惟漢唐除暴亂以立國而功德底及於民故其子孫各能享國久長然亦得此失彼治不古若而見譏於君子也多矣嗚呼民生有欲無主則爭君人者治其爭亂而富有四海者也非天攸命厥位烏可苟焉以得哉且貧人晏子驟懷一金亦云命矣況天位之尊者耶昔景讓之母家素貧偶得金於顏垣中乃曰無故而得身之災也今邦昌則當思曰我為宋臣不能死敵死有餘辜安忍無故而受敵人之立竊君之神器也耶又安知是非一定而不伏僭逆之誅耶陋哉邦昌之見其亦異乎景母之見矣

夏四月金人以二帝及后妃太子宗戚三千人北去

上皇聞張邦昌僭位曰邦昌若以節死則社稷增重今既尸君之位則吾事決矣因泣下霜襟至是幹里

稚布脅上皇太后與親王皇孫駙馬公主妃嬪及康
王母章賢妃康王夫人邢氏等由滑州去尼瑪哈以
帝后太子妃嬪宗室及何桌孫傳張叔夜陳過庭司
馬朴秦檜等由鄭州去而歸馮瀛曹輔孫觀汪藻郭
仲荀等于張邦昌邦昌率百官遙辭二帝于南薰門
象愴哭有什絕者凡法駕卤簿皇后以下車輅卤等
冠服禮器法物大樂教坊樂器祭器八寶九鼎圭璧
渾天儀銅人刻漏古器景靈宮供器太清樓秘閣三
館書天下府州圖及官吏內人內侍伎藝工匠倡優
府庫蓄積為之一空初金人將還議留兵以衛邦昌
呂好問曰南北異宜恐北兵不習風土必不相安金
人曰留一員勒統之可也好問曰員勒責人有如觸
發致疾則員罪益深金人乃不留兵而去宗澤在衛
聞二帝北行即提軍趨滑走黎陽至大名欲徑渡河
據金人歸路邀還二帝而勤王之兵卒無至者遂不
果史臣曰初幹里雅布北還也以尼瑪哈在太原其

勢未合恐勤王之師有以乘之既退之後為宋計者
宜為遠謀而乃忽李綱种師道之言上下相慶以為
無虞曾不數月再致金師太原真定咽喉已塞而猶
議三鎮棄守之利害故金人嘗語宋使曰待汝家議
論定時我已渡河矣蓋當是時廟堂之相方鎮之將
皆出於童蒙蔡王梁之門無可以繫天下之望唯以割
地請和為言未聞有能出一計與之抗者是以金人
之來如破竹然及圍城逾月外援不至竟以妖術取
敗吁可怪哉○上皇離青城金人以牛車數百乘載
諸王後宮皆胡人牽駕不通華言至邢趙幹里雅布
遣郭藥師迎謝上皇曰天時如此非公之罪藥師慚
而退幹里雅布請王婉容位帝姬與尼瑪哈次子作
婦許之至燕山館于延壽寺帝自離青城頂青毯笠
乘馬後有監軍隨之自鄭門而北每過一城輒掩面
號泣至代工部員外郎滕茂實號泣迎謁茂實蓋嘗
副路允迪出使者尼瑪哈逼茂實易服茂實力拒之

見者墮沃茂實請侍舊主俱行尼瑪
哈不許帝遂從代渡太和崩至雲中

發明

以其者易詞也春秋之法凡書敗書滅書入而

之國其罪大矣然宋二帝信讒葉禮恃和忘戰所
謂國必自滅而後人滅之非滅之者獨有罪也國
君造命不可委命者既以為有命而又貪生忍辱
不死於社稷則是不知命矣書以二帝等北去二
帝不能死位而與歸也雖欲曲為隱諱亦
不可得已後之人主可不當知自強也哉

廣義

孟子曰生亦我所欲義亦我所欲也二者不
可得兼舍生而取義也義之有重於生也必

矣且與其不義而生執若以義而死何則欽宗包羞降
敵不義也使其死社稷乃義焉當幹里雅布尼瑪
哈二人圍城之日遣馮淵曹輔求成不許何果奉
濟王相請平又不許欽宗當思曰若然則金人目

中已無我宋而必欲降我矣我大宋天子安可屈
辱夷人而遺萬年之臭哉即當潛遣黜使速詔康
王大集勤王之師牽制於外內則激勸忠義誓以
死守下詔曰有主和議欲朕如金師者悉以叛逆
從事如是則懷忠秉義者莫不脫穎而出向之畏
懦者且將變而為勇敢孰肯怙怙悅悅而甘心降
敵哉于時內有外援外有內應便當背城一戰幸
而退敵宗社之福也不幸而敗亦惟盡吾之義焉
耳不猶愈於忍恥偷生舉族降于夷人乎欽宗志
慮不出此而承羞千古徒起有識者不平之忿云

金人圍中山○張邦昌號哲宗廢后孟氏曰宋太后

呂好問謂邦昌曰相公欲真立邪抑姑塞敵意而徐
為之圖也邦昌曰是何言也好問曰相公知中國人
情所向乎特畏女真兵威爾女真既去能保如今日
乎大元帥在外元祐皇后在內此殆天意盡並還政

可轉禍為福且省中非人臣所處宜寓直殿廡毋令衛士夾陛敵所遺袍帶非戎人在勿服車駕未還下文書不當稱聖旨為今計者當迎元祐皇后請康王早正大位庶獲保全監察御史馬伸具書請邦昌速奉迎康王極陳逆順利害邦昌讀其書氣沮乃尊元祐皇后為宋太后迎居延福宮而遣人至濟州訪康王其太后策語有曰尚念宋氏之初首崇西宮之禮蓋用太祖即位迎周太后入西宮故事識者有以覘邦昌之意非真為趙氏也

發明

邦昌之竊國固無足言者然自三月以前綱目皆書其官者明其猶為宋之臣子也至是

始削去之而稱張邦昌自此以後皆若是矣其與王莽書法同

廣義

邦昌不死於金人立己之時今乃順衆情以迎康王可謂噬臍無及矣

郭京伏誅

京自京城走沿路稱撒豆成兵假幻惑衆至襄陽有衆三千餘屯洞山寺欲立宗室為帝錢蓋王襄及張思正等止之不從會有自京城來者具說京誤國事思正因京刺殺之

發明

考之分注京為張思正所殺綱目變文而曰伏誅者討亂賊也京以邪術誤國罪不容誅

幸而思正獲之以典大辟此皆綱目之所喜者故書伏誅以正其罪苟生既免於刑誅死而不加貶絕何以為筆削權衡哉後之以邪術誤人國虜者可以鑒矣

五月康王即皇帝位于南京大赦改元

呂好問謂邦昌曰天命人心皆歸康王相公先遣人推戴則功無在相公右者若撫機不發他人聲罪致

討悔可追耶宗室子莊知淮寧府聞二帝北遷與江
淮經制使翁彥國等誓衆登壇歃血同獎王室康王
遣使推為大元帥府叅議官子莊又移書訶斥邦昌
使其反正並曉王時雍等辭指激切邦昌乃復遣謝
克家往奉迎王時雍曰騎虎者勢不得下所宜熟慮
他日噬臍悔無及矣徐秉誓從旁贊之邦昌不聽克
家至濟州勸進王不許張俊曰大王皇帝親弟人心
所歸當早正大位既而邦昌又遣蔣思愈等持書詣
濟州自陳所以勉循金人推戴者欲權宜一時以紓
國難爾非敢有他也王復書與之而諭宗澤等以為
邦昌受僞命之人義當誅討然慮事出權宜未可輕
動合移師近都按甲觀變澤復書謂邦昌篡亂蹤跡
已無可疑今二聖諸王悉渡河而北惟大王在濟天
意可知宜亟行天討興復社稷不可不斷好問亦遣
人來言大王不自立恐有不當立而立者邦昌又遣
謝克家及王舅忠州防禦使韋淵奉大宋受命寶詣

欽定四庫全書

卷十一

濟州復以手書號太后曰元祐皇后入居禁中垂簾
聽政以俟復辟以馮澥為奉迎使邦昌自稱權尚書
左僕射率百官勸進而退居于資善堂克家等至濟
州王恂哭受之命克家還京辦儀物皇后命太常少
卿江藻草手書告中外俾王嗣統其畧曰歷年二百
人不知兵傳序九君世無失德雖舉族有北轅之讐
而數天同左袒之心乃眷賢王越居近服漢家之厄
十世宜光武之中興獻公之子九人惟重耳之尚在
茲乃天意夫豈人謀濟州父老詣軍門言州四旁望
見城中火尤屬天請王即皇帝位會宗澤及權應天
府朱勝非來言南京藝祖興王之地取四方中漕運
尤易王遂決意趨應天府既發濟州鄺延嗣總管劉
光世自陝州來會王以光世為五軍都提舉西道都
總管王襄宣撫司統制官韓世忠皆以師來會王至
應天邦昌來見伏地恂哭請死王撫慰之王時雍等
奉乘輿服御至羣臣勸進者益衆王命築壇于府門

之左五月庚寅朔王登壇受命畢乃慟哭遙謝二帝
遂即位于府治改元建炎大赦張邦昌及應子供奉
金國之人一切不問惟蔡京童貫朱勔李彥孟昌齡
梁師成譚正子孫等更不收叙是日元祐皇后在東

京撤
簾

發明

漢高已平天下猶未正尊位必待諸侯力請
而後從之高宗未能削平海內遽正尊位何

哉創業之興中興固自不同當是時二帝既已北
狩四方盜賊竊發者非一中外皇皇莫知所向高

宗苟不早正位號以繫人心則天下之望孤矣故
書康王即皇帝位大赦改元者深幸之也為可以

漢高為北而擬識之哉其
與光武昭烈晉元書法同

廣義

康王即位于應天出于衆心之願戴其亦趙
氏之碩果也惜乎中興之業偏安一隅惟延

餘息而已竟不能如東漢之光復舊物可勝歎哉

遙上靖康帝尊號曰孝慈淵聖皇帝○以黃潛善為中書侍郎汪伯彥同知樞密院事

廣義

高宗即位之初而用非其人則其初政蓋可見矣

尊哲宗廢后孟氏為元祐太后遙尊韋氏為宣和皇后遙立夫人邢氏為皇后○以張邦昌為太保封同安郡王五日一赴都堂參決大事

帝問率執何以處邦昌黃潛善等曰邦昌罪在不貸然為金人所脅今已自歸惟陛下所處帝曰朕欲馭

以王爵異時金人有詞使邦昌以天下不忘本朝而歸寶避位之意告之故有是命尋詔邦昌宜如文彥

博故事一月兩赴都堂
參決大事又如太傳

發明

揚誠齋曰去小人當用果決謝安之于桓溫初則伐其壁人之謀徐而寢其九錫之命強

臣自死而王室以寧亦屯之六二也雖然六二之遭如班如若其病于陰柔而無剛明之才耳舜之于四凶周公之于管蔡孔子之于少正卯何遭班之有哉夫邦昌偕逆法當誅討豈知姑息既行遂致天下悲憤綱目書以張邦昌為太保封同安郡王則其謬可知矣安有逆賊不討反加王爵果可以服天下乎高宗謀國乖刺一至于此求室難欲恢復其可得哉綱目書此文無貶詞乃所以深貶之耳德若高宗者刑政例施也已

發明

罪莫大于僭逆也高宗即位坎元而不即奉行天討則國體之弱蓋可見矣

耿南仲免召李綱為尚書右僕射兼中書侍郎

綱再貶寧江金兵復至淵聖悟和議之非召綱為開封尹行次長沙被命即帥湖南勤王師入援未至而京城失守至是召拜右相趨赴行在所中丞顏岐奏曰張邦昌為金人所喜雖已為三公郡王宜更加同平章事增重其禮李綱為金人所惡雖已命相直及其未至罷之章五上帝曰如朕之立恐亦非金人所喜岐語塞而退歧又遣人封其章示綱觀沮其來右諫議大夫范宗尹論綱名浮于實有震主之威帝亦不聽汪伯彥黃潛善自謂有攀附之勞擬必為相及召綱于外二人不悅遂與綱忤綱行至太平上疏曰興衰撥亂之主非英哲不足以當之英利用心剛足以蒞大事而不為小人之所搖哲則見善明足以任

君子而不為小人之所間願陛下以漢之
高光唐之太宗國朝之藝祖太宗為法

發明

免南仲而相李綱則高宗于君子小人之分
亦明矣使其始終如一不惑羣議則何往而

不為有求撥亂反正之主哉
揭而書之所以不沒其善也

書

欽宗時李綱為羣小所沮抑即棄而不用故
汴宋終底于滅亡高宗初即位召用李綱而

羣小不能惑高宗之明故能致其興復然則賢人
君子之有蓋于人也如北為人君者與可不謹

于任
用哉

遣馬忠等追擊金軍

尼瑪哈等既去留萬戶尼楚赫屯太原副統素赫屯
真定羅索圍河中家克進據磁相渤海大托卜嘉圖

河間帝命志及忻州觀蔡侯張換將所部合萬人自思冀趨河間以襲之

馮解免以呂好問為尚書右丞

元祐太后遣好問奉手書詣應天帝勞之曰宗廟獲全卿之力也除尚書右丞後李綱以羣臣在園城中不能執節欲悉按其罪好問曰王業艱難政宜舍后繩以峻法懼者衆矣綱乃止

書法

好問雖賢嘗受張邦昌偽命觀其答李綱之言要亦為己之說耳君子莫可不慎於始

哉

曹輔卒○置御營司

時王淵楊惟忠以河北兵劉光世以陝西兵張俊苗傅以帥府及降盜兵皆在行朝不相統一乃置御營

司主行幸總齊軍政命黃潛善兼御營使汪伯彥副
之而以王淵為都統制劉九世提舉一行事務韓世
忠為左軍統制張俊為前軍
統制楊惟忠主管殿前公事

竄李邦彥吳敏蔡懋李稅宇文虛中耿南仲鄭望之李
鄴等于遠州

論主和誤國割地罪也邦彥得州敏榔州
懋英州稅虛中南仲望之鄴廣南諸州

追貶蔡確蔡卞邢恕等官

詔以宣仁聖烈皇后保祐哲廟有大功而奸臣造言
誣謗著于史牒令國史院據實修正播告天下于是
蔡確蔡卞邢
恕皆追貶之

發明

李邦彥等以主和誤國而竄逐蔡確等以誣謗宣仁而退敗北亦撥亂反正之宏綱也故

備書予之

簽書樞密院事張叔夜自殺于金軍

叔夜既北遶道中惟時飲水義不食其粟至白溝御者曰過界河矣叔夜乃雙然起仰天大呼遂不復語明日扼吭而死何果孫傳後從淵聖帝至燕山亦相繼卒朝廷聞叔夜死贈開封儀同三司諡忠文呂中曰敵再北闕勤王之師一無至者叔夜以孤軍入衛其忠已足稱及北遶之後不食其粟不入其境則始終之義無憾矣

發明

叔夜始終之義呂氏中論之詳矣故綱目持其官以見其不失所守持書目義以見其

不辱其身當時倪首
事敵者寧無愧乎

金人陷河中府及解絳慈隰諸州

時馬志張煥退襲金人于河間黃潛善等獲主和義
請遣宣義郎傅雱為祈請使又令張邦昌作書貽二
酋仍用靖康誓書盡河為界且下令不得下赦文于
河東北及河中府退襲兵詔屯大河之南應機進止
至是羅索以重兵壓河中權府事郝仲連力戰外援
不至度不能守自殺其家人已而城陷與其子致厚
皆不屈而死

廣義

臣觀死節之臣而綱目無不予之金羅索以
重兵壓境而郝仲連是得死節之宜綱目合

書曰郝仲連死之今也不然豈仲連之死抑亦有所
可議者邪曰非也取璧于山索珠于海不無有所

遺也綱目豈偏于善善者
哉味乎分注其義得矣

以宗澤知襄陽府

澤見帝應天陳興復大計帝
欲留澤黃潛善等沮之故出

廣義黃潛善等即耿南仲之流也宗澤謁見高宗
高宗欲留而被其所沮其為中興之累也多
矣

安置監察御史張所于江州

靖康中所以熾書冒國募河北兵士民得書喜曰朝
廷棄我猶有一張察院能拔而用之應募者十七萬
人由是所聲震河北帝即位遣所按視陵寢所還上
言曰河東河北天下之根本昨者誤用奸臣之謀始

割三鎮繼割西河其民怨入骨髓至今無不扼掌若
因而用之則可藉以守否則西河兵民無所繫望陞
下之事去失且請帝亟還京城因具言有五利奉宗
廟保陵寢一也慰安人心二也繫四海之望三也釋
河北割地之疑四也早有定處而一意于邊防五也
夫國之安危在乎兵之強弱與將相之賢不肖而不
在乎都之遠與不遠也誠使兵弱而將士不肖雖渡
江而南安能自保帝欲以其事付所會所言曠潛善
奸邪不可用恐害新政潛善引去
帝留之乃罷所言職安置江州

發明

秦之九三曰無平不波無往不復艱貞無咎
勿恤其孚于食有福程頤子傳曰無常安平

而不險險者謂無常秦也無常往而不返者謂陰
當復也平者險往者復則為否矣當知天地之必
然方秦之時不敢安逸常艱危其思慮正固其施
為如是則可以無咎焉宗茂艱難危懼之時正宜

聰言求治之日則否可傾而泰可保也奈何寵信
 奸邪不從議論是豈艱貞者乎前宗澤以力陳興
 復大計見沮黃潛善而出生此張所以言事到切
 見忤黃潛善而安置則罪之非公可見矣高宗親
 履艱險尚忌忠直安能得無咎而有福或此君
 子所以深為高宗惜也直書于策其義自見
 廣義抑觀張所陳還京五利而不欲南渡者其
 識見高遠司李綱宗澤而下皆英能及是中
 興之良弼也列于方叔召虎鄭桓夫何愧哉惜乎
 高宗志于苟安以策奪朱以鄭亂雅扶陰抑陽非
 正是邪反罪所用潛善卒致中興事業
 不能比茲周宣先武者歟亦有所自也

金人陷密單州○六月李綱至行在固辭相位不許

綱至入見涕泗交集帝為動容因奏曰金人不遵事
 以詐謀取勝中國不悟一切重其計中賴天命未改

陛下總師于外為天下所推戴內修外攘還二聖撫
萬邦責在陛下與宰相臣目視缺然不足以副委任
且臣在道頗岐嘗封示論臣章謂臣為金所惡不當
為相因力辭帝命岐奉祠併出范宗尹網辭猶力帝
曰朕知卿忠義智畧久矣其勿辭綱頗首泣謝且言
昔唐明王欲相姚崇崇以十事要說皆中一時之病
今臣亦以十事仰干天聽陛下度其可行者賜之施
行臣乃敢受命一曰議國是謂中國之御四夷能守
而後可戰能戰而後可和而靖康之末皆失之今莫
若先自治專以守為策俟吾政事修士氣振然後可
議大舉二曰議行幸謂車駕不可不一至京師見宗
廟以慰都人之心度未可居則為巡幸之計天下形
勢長安為上襄陽次之建康又次之皆當詔有司預
為之備三曰議赦令謂祖宗登極赦令皆有常式前
日赦書乃以張邦昌偽赦為法如赦惡逆及罪廢官
盡復官職皆不可行宜悉改正四曰議備逆謂張邦

昌為國大臣不能臨難死節而挾金人之勢易姓改號宜正典刑垂戒萬世五曰議偽命謂國家更大變鮮有伏節死義之士而受偽官者不可勝數若肅宗平賊汚偽命者以六等定罪宜做之以厲士風六曰議戰謂軍政久廢士氣怯惰宜一新紀律信賞必罰以作其氣七曰議守謂敵情狡獪勢心復來宜于沿河江淮指置控禦以扼其衝八曰議本政謂政出多門綱紀紊亂宜一歸之中書則朝廷尊九曰議久任謂靖康間進退大臣太速功效蔑著宜慎擇而久任之以責成功十曰議修德謂上始膺天命宜並修孝弟恭儉以副四海之望而致中興翌日班綱議于朝惟僭逆偽命二事留中不出

發明書固辭相位所以予其能讓也書不許所以

綱條上十事極論其失因請避位可謂得大臣之體矣故書以予之與唐書韋處厚請避位不許同

義

廣義

分注載李綱以十事進高宗自此姚崇何其偉哉史獨姚崇宋璟為開元賢相而璟之剛

直又過于崇觀夫綱之即操乃知其為宋璟之流非崇之所及也況當南渡之時顛沛流離幾閨金人之吻入非玄宗平內難之比綱于此時一有忠憫之謀即為奸佞所沮卒致君臣之好不終觀此則知其事又難于璟也多矣

以黃潛善為門下侍郎○安置張邦昌于潭州貶放其

黨有差

李綱以僭逆偽命二事留中言于帝曰二事乃今日刑政之大者邦昌當道君朝在政府者十年淵聖即

位首擢為相方國家禍難金人為異姓之謀邦昌如
能以死守節惟明天下戴宋之義以感動其心敬人
未必不悔禍而存趙氏而邦昌方以為得計偃然正
位號處言禁擅降偽詔以止四方勤王之師及知天
下之不與乃不得已請元祐太后垂簾聽政而議奉
迎邦昌借逆始末如此而議者不同臣請以春秋之
法斷之夫春秋之法人臣無將將而必誅趙盾不討
賊則書以弑君今邦昌已僭位號敵退而立勤王之
師非特將與不討賊而已劉盆子以漢宗室為赤眉
所立其後以十萬眾降光武但待之以不死邦昌以
臣易君罪大于盆子不得已而自歸朝廷既不正其
罪又尊崇之此何理也陛下欲建中興之業而尊崇
僭逆之罪以示四方其誰不解體又僞命臣僚一切
置而不問何以厲天下士大夫之節時執政中有議
不同者帝召黃潛善等語之潛善主邦昌甚力帝顧
呂好問曰卿昨在園城中知其故以為何如好問附

潛善持兩端綱言邦昌僭逆豈可留之朝廷使道路
指目曰此亦一天子哉因泣拜曰陛下必欲用邦昌
第罷臣帝頗感動注伯彥乃曰李綱氣直臣等所知
帝乃出綱奏責授邦昌昭化軍節度副使潭州安置
并安置王時雍徐秉哲吳玠莫俦李擢孫覲于高
梅永全柳歸州而顏博文王紹以下論罪有差
發明
接來書張邦昌與金人私通立為楚帝則邦
昌之罪大也然郭京之死雖不明其罪猶能
為張思正殺之故綱目亦得以正其伏誅之名至
于邦昌乃陰謀僭立之而又不正典刑故綱目書
安置若無罪焉者以著宋人不能明行天討之失
也夫重莫重于僭逆宋人且不能明之他何所望
哉

廣義

甚哉李僕射之剛正也觀其直言謹論不惟
感動其君又能懾服奸議之心至今凜凜猶

有生意使潛善伯彥之徒因李公之孤忠勁節率屬奉公而贊襄玉成其美始終不渝此志如周易否之初六拔茅茹以其彙征吉亨則未國可謂有人矣其于恢復也何有夫何潛善等志不侔前惟務引君子退法卒致高宗中興之業弗克全美而寄生于一隅誰之過也

贈李若水霍安國劉幹官詔諸路訪死節之臣以聞

李綱言近世士大夫寡廉恥不知君臣之義靖康之禍能伏節死義者在內惟李若水在外惟霍安國願加贈卹帝從其請遂贈若水觀文殿學士諡忠愍安國延康殿學士幹資政殿學士仍詔有死節者諸路以詢訪聞

發明

李若水等或特立不屈或挺然不臣從容就死僅若毫芒然而節義之道風化所關固非

等間比也至是書贈其官訪其名者所以見當時褒崇之典表其死節之烈為後勸也

廣義

嗚呼事莫大乎死義也况死君臣之大倫乎高宗初政首用李僕射之言而褒贈死節之

臣是誠激勸人心而為當時之急務大書于丹美自見矣

以李綱兼御營使

綱既受命拜辭有旨兼充御營使入對言曰今國勢不遠靖康間速甚然而可為者陛下英斷于上羣臣輯睦于下庶幾中興可圖然非有規模而知先後緩急之序則不能以成功夫外禦強敵內銷盜賊修軍政變士風裕邦財寬民力改弊法者冗官誠號令以感人心信賞罰以作士氣擇帥臣以任方面選監司郡守以奉行新政俟吾所以自治者政事已修然後可以問罪金人迎還二聖此謂規模也至于當急而

先者則在于料理河北河東蓋西路國之屏蔽料稍就然後中原可保而東南可安今河東所失者恒

代太原澤潞汾晉河北所失者真定懷衛潞其餘諸郡皆為朝廷守西路士民兵將皆推豪傑以為首領

多者數萬少者不下萬人朝廷不因此時置司使使以大慰撫之分兵以援其危急臣恐糧盡力疲坐受

金人之困雖在忠義之心危迫無告必且憤怨朝廷金人因得撫而用之皆精兵也莫若于河北置招撫

司河東置經制司有為材畧者為之使宣諭天子恩德所以不忍棄兩河於敵國之意有能全一州獲一

郡者以為節度防禦團練使如唐之方鎮使自為守非惟絕其從敵之心又可資其禦敵之力使朝廷永

無北顧之憂最今日之先務也帝善其言問誰可任者綱薦張所傳亮亮西人習古兵法綱與語謂可為

大將因奏用之又立軍法五人為伍伍長以為牌書同伍四人姓名二十五人為甲甲正以牌書伍長五

人姓名百人為隊隊將以牌書甲正四人姓名五百
餘人為部部將以牌書隊將正副十八名姓二千五
百人為軍統制官以牌書部長正副十人姓名命招
置新軍及御營司兵以此法團結及詔陝西山東諸
路帥臣並依此法互相應援
有所呼召使令按牌以遣

子粦生大赦

皇子生故事當肆赦李綱言陛下登極曠蕩之恩獨
遺河北河東及勤王之師夫兩河為朝廷堅守而赦
今不及人皆謂已棄之何以慰忠臣義士之心勤王
之師在道路半年擇甲荷戈冒犯霜露雖未効用亦
已勞矣加以疾病死亡思卹不及後有急難何以使
人願因今赦廣示德意帝從之于是人情翕然間有
以投書至者金人圍守
諸郡之兵往往引去

發明

按胡傳曰嫡家始生即書于策與子之法也綱目書子虋生所以明與子之法正國家之

本防後世配嫡爭正之事庶訓之義大矣其不曰太子何也天下無生而責者必待長而冊立然後

為太子綱目取法春秋故其書法與丁卯子同主同意然曰大赦者又以譏宋人數赦之弊耳一年之間兩赦天下法度縱弛為何如哉是以我朝制度未嘗輕赦所以超越前古卓冠百王也歟

廣義

特書曰王子虋生者重國本也

還元祐黨籍及元符上書入官爵○以汪伯彥知樞密院事○遺宣義郎傅雱使金軍通問二帝

初黃潛善白遺雱為祈請使又遣太常少卿周望為通問使俱未行李綱上言堯舜之道孝弟而已今日

之事正當枕戈嘗膽內修外攘使刑政修而中國強
則二帝不俟迎請而自歸不然雖冠蓋相望界辭厚
禮恐亦無益今所遣使但當奉表通問致思慕之意
可也帝從之遂命綱草表付虜以往且致書于尼瑪
哈

廣義

觀李僕射黃潛善立遣使之名則二人之剛
正怯懦可知矣向使高宗用李公剛正之言

舍潛善怯懦之志則中興之業必不止此惜乎高
宗不能知人而昧于國論之是非適足以滋長敵
人之寇可
勝歎哉

立沿河江淮帥府

從李綱請也凡十有九府要郡三十九次要郡三十
八帥府兼都總管守臣兼鈐轄都監總置軍九十六

萬七千五百人別置水軍
七十七將造舟江淮諸州

以張慙同知樞密院事兼提舉戶部財用

初慙為計度都轉運使帝為大元帥募諸道兵勤王
慙飛輓踵道建議印給鹽鈔以便商旅不閱旬得緡
錢五十萬以佐軍帝即位以為戶部尚書至是除同
知樞密院事兼提舉戶部財用慙建言三河之民怨
敵深入骨髓恨不殲其類以報國家之仇請因唐
人澤潞步兵英雄邊子弟遺意募民聯以什伍而寓兵
于民使合力抗敵謂之巡社其法五入為甲五甲為
隊五隊為部五部為社皆有長五社為一都社有正
副二都社有都副總首甲長以上免身後所結五百
人以上借補官有差有功或藝彊及都總首滿二人
無過者並補正官論者以其法精詳前此言
民兵者皆莫之及詔采為書行之隸安撫司

呂好問罷知宣州

侍御史王賓論好問嘗污偽命不可立新朝帝曰邦
昌惜號之初好問募人齎帛書道京師內外之事金
人甫退又遣人勸進考其心迹非他人比好問自慙
力求去且言邦昌惜號之時臣若閉門潔身竟不為
難使以世祇國恩所以受賢者之責冒圓齎書于陛
下疏入除賁政殿學士知宣州以恩封東萊郡侯
發明 不曰罷呂好問而曰呂好問罷知宣州何也
蓋好問嘗污偽命不為無罪故以自罷為文
若曰宋非罷而好問自罷之云爾然何以不書
罪好問身居朝列職任清顯一旦罷黜盡削其官
已足以見惡之之意矣
何待書罪而後見乎

以宗澤為東京留守澤累表請帝還京師不報

澤在襄陽聞黃潛善復倡和議上疏曰自金人亦至朝廷未嘗命一將出一師但聞奸邪之臣朝進一言以告和暮入一疏以乞盟終至二聖北遷宗社蒙塵臣意陛下赫然震怒大明黜陟以再造王室今即位四十日矣未聞有大號令但見刑部指揮云不得騰播款犬子河之東西陝之蒲解是號天下忠義之氣而自絕其民也臣雖驚怯當躬冒矢石為諸將先得捐軀報國思足矣帝覽其言而壯之及開封尹閻李綱言絞復舊邦非澤不可乃以為東宮留守知開封府時敵騎留心河上金鼓之聲日夕相聞而京城樓櫓櫓盡廢兵民雜居盜賊縱橫入情洶洶澤威望素著既至首捕誅合賊者數人下令曰為盜者賊無輕重悉從軍法由是盜賊屏息因撫循軍民修治樓櫓屢出師以挫敵上疏請帝還京師俄有詔荆襄江淮悉備巡幸澤又上疏言開封物價市肆漸同平時將士農民商旅士大夫之懷忠義者莫不願陛下亟歸京

師以慰人心其倡為異議者不過如張邦昌輩陰與金人為地通既而金人遣使以快偽楚為名至開封澤拘其人乞斬之有詔廷置別館澤奏曰金人假使偽楚米現虛寔臣愚乞斬之以破其奸而陛下惑于人言優如禮意臣愚不敢奉詔以彰國弱帝乃手札諭澤竟縱遣之真定懷衛間敵兵甚盛方密修戰具為入攻之計澤以為憂乃渡河約諸將共謀事宜以圖收復而于京城四壁各置使以領招集之兵造戰車千二百乘又據形勢立堅壁二十四所于城外沿河鱗次為連珠若連結河東河北山水皆忠義民兵于是陝西京東西諸路人馬咸願聽澤節制澤又開五大河以通西北商旅守禦之具既備累表請帝還京而帝用黃潛善計決意幸東南不報東義郎岳飛犯法將刑澤一見奇之曰將材也會金人攻汜水以五百騎投飛使立功贖罪飛大敗金人而還陛飛為統制而謂之曰爾智勇材藝古良將不能過然好野戰

欽定四庫全書

卷十一

非萬全計因授飛陣圖飛曰陣而後戰兵法之
常運用之妙存乎一心澤是其言飛由此知名

發明

嗚呼宋金世雖其勢不俱生強弱異形其勢
不兩立况退避之與進取其義有二進則示

之以強可以作士氣可以固民心可以保宗社可
以雪讎恥退則示之以弱士氣日沮民心日離宗

社日燬讐恥日忘是以進有功而退無功也齊人
曰雖有智慧不知乘勢魏徵曰千載休期時難再

得高宗自剪大讐不思報復苟延歲月坐失事機
雖宗澤累請還京終弗能悟其亦中人以下之資

乎是故觀宗澤之請不行則知其無父母之心此
高宗之意不允則知其無父母之心此綱目書法

之深意觀者不可
以其近而忽之也

廣義

其哉高宗之怯懦也既有宗澤忠勇智畧之
將即當委心聽順一以中興之事付之不吝

奸伎之讒沮可也。今宗澤累表請還京師，而高宗卒用黃潛善計，決意幸東南而不報者，何耶？蓋高宗素怯懦者也，使其如殷武丁、周宣王、漢光武、唐德宗之剛明果斷，一得澤疏，則必赫然震怒，大肆義理之勇，以雪父兄之恥。臣知宋室金瓦既毀而復完，蓋有不難者矣。惟其怯懦之志，素與潛善等合，由是一得其策，如魚投水，若于宗澤剛正之謀，則方底而圓，蓋矣。雖然，澤之忠于高宗，固無待于傳說。召虎、鄧耿、李晟諸賢而高宗無忘，恢復則有愧于武丁、周宣、光武。德宗也，愈古之君，有務偷安之計，而忘父兄之讎者，其惟宋之高宗乎。

金幹里雅布卒

幹里雅布，聞帝即位，議歸上皇，諱好尼瑪哈。未之許，會其死，事遂中輟。蓋尼瑪哈專權，烏奇邁不能令守。

欽定四庫全書

卷十一

虛位而已

發明

前阿古達書之曰死比其臣也可以卒書考之分注幹里雅布聞帝即位議歸上皇講好故不忿其用兵殘虐而遂進也此綱目樂與人為善之深意

詔諸路募兵買馬勸民出財

李綱言熙豐間內外禁旅五十萬今禁旅單弱何以捍強敵而鎮四方莫若取財于東南募師于西北若得數十萬付諸將以時練之不久皆成精兵此最為急務于是詔陝西河北京東西路募兵十萬更番入衛河北西路括買官民馬勸民出財助國綱又言步不足以勝騎騎不足以勝車請以戰車之制頒于京東西路使制造而教習之

廣義

募兵買馬勸民出財此固救時之急務也書之于策足以志其興衰撥亂之一念耳又豈

若窮兵黷武征伐四夷者比哉

以張所為河北招撫使

賜內府錢百萬緡給空名告身千餘道以京西卒三十自衛將佐官屬許自辟置一切以便宜從事所入對條上利害且乞置司北京俟措置有緒乃渡河河北轉運副使張並謙附黃潛善意奏招撫司之援且言自置司河北盜賊愈熾李綱言張所尚留京師並謙何以知其援河北民無所歸聚而為盜豈由置司並謙非理沮抑如此必有使之者上乃命並謙分析命下樞密院汪伯彥猶用其奏語責招撫司綱與伯彥力爭伯彥語塞所招徠豪傑擢王彥為都統制時兵飛上書言勤王之師日集宜乘敵急而擊之黃潛善汪

伯彥革不能承聖意恢復奉車駕日並南恐不足繫中原之望願陞秉敵穴未固親率六軍北渡則將士作氣中原可復坐越藏言事奪官歸詣所以飛為中軍統領問之曰爾能敵幾何飛曰勇不足恃用兵在先定謀藥枝茂柴以取荆莫教采樵以致絞皆謀定也所翼然曰君殆非行伍中人飛因說所曰國家都汴恃河北以為固苟馮據要衝峙列重鎮一城受圍則諸城或挽或救金人不能窺河南而京師根本之地固矣招撫誠能提兵壓境飛唯命是從所大喜借補飛武經郎

秋七月以王瓊為河東經制使傅亮副之

人以錢蓋為陝西經制使

以許翰為尚書右丞○右諫議大夫宋齊愈以罪棄市

齊愈附黃潛善汪伯彥上疏論李綱落兵買馬括財
三事之非不報章擬再上其鄉人憐齊愈者竊其草
示綱時方論僭逆附偽之罪而齊愈寔書邦昌姓名以
之示衆者于是逮齊愈于獄齊愈不承獄吏曰汪尚
書輩所坐不輕然但遷嶺南
西齊愈引伏遂命戮于東市

發明

齊愈之死罪當死也此亦可謂之殺諫臣乎
曰非也齊愈附會時宰謀陷忠賢則失諫臣

之職矣然則何以書官曰書其官所以貶之也齊
愈身為諫議乃朋比奸邪故書官以重其罪使之
有愧于是官耳然則何以知之以其書有罪棄市
而知之也使其以諫死職則當以殺書之矣故曰
齊愈之死罪當死也其與唐書
賜諫議大夫吳通玄死同意

廣義

齊愈阿附小人也豈可使其處諫垣而定國
論哉綱曰于宋齊愈書其官者以見高宗任

非其人也書以罪棄市者以見高宗殺之當也此綱目書法之公也

以范致虛知鄧州

李綱嘗言車駕以幸之所關中為工襄陽次之建康為下陛下縱未能行上策猶當且適鄧襄示不忘故都以此繫天下之心不然中原非復我有車駕還闕無期矣帝乃諭兩京以還都之意讀者感泣既而有詔欲幸東南避敵綱極言其不可且曰自古中興之主起于西北則足以據中原而有東南起于東南則不能復中原而有西北蓋天下精兵健馬皆在西北若委中原而棄之豈惟金人將來間以擾內地盜賊亦將出起為亂跨州連邑陛下雖欲還闕不可得矣況欲治兵勝敵以歸二聖哉夫南陽光武之所興有高山峻嶺可以控扼有寬域平野可以屯兵西隣閬中漢水可以召將士東達江淮可以運穀粟南通荆湖巴蜀

可以取財貨北距三都
可以遣救援雙議駐驛乃還
汴都策無出于此者今乘舟順流而適東南固甚安
一第恐一夫中原則東南不能必其無事雖欲退保
一隅不可得也况籌降詔許留中原人心悅服奈何
詔墨未乾遽失大信帝乃許幸南陽以范致遠知鄆
州修城池繕宮室輸錢穀以贖之而汪伯彥黃潛善
陰主揚州之議或謂綱曰外論洵成謂東幸已
決綱曰國之存亡于是為分吾當以去就爭之

元祐太后如揚州

帝從汪伯彥黃潛善言將幸揚州以避敵詔副都指
揮使郭仲荀奉太后先行六宮及衛士悉屬皆從遣
使詣汴京迎奉太
廟神主赴行在

罷四道都總管○閤門宣贊舍人曹勛以上皇手書至

自金

歲計此行年餘
未之請臣未有
能者一覽若惜
助所議難決
道未必得盡然
其望于君父之

上皇在燕山謂閤門宣贊舍人管幹龍德宮曹勛曰
我夢四日並出此中原爭立之衆不知中原之民尚
肯推戴康王否因出御衣絹半臂親書其領中曰僕
可即真未敢欺父母又諭勛曰如見康王第言有清中
原之策急舉行之毋以我爲念又言藝祖有舊約藏
之太廟不殺大臣及言事官違者不祥康王夫人邢
氏聞勛南還亦脫所御金環使內侍持付勛曰幸爲
我白大王願如此環得早相見也勛遂間行至南京
以御衣進帝泣以示輔臣勛因建議募死士入海
至金東境奉土皇由海道歸執政難之出勛于外
發明人倫之重者莫重于父母兄弟妻子宗族然
上皇乃高宗之父韋妃乃高宗之母欽宗乃高宗
之兄肅王乃高宗之弟邢氏乃高宗之妻其鮮宗

可取也

族不可稱起則是父母兄弟妻子宗族皆陷異域
定省曠而音問疎天下之警莫大于是高宗前為
元帥而不能顧父母之危今為天子而不能雪戴
天之恥于心寧無愧作乎苟有人心者必振作奮
迅以雪讎而致君父何必手書之至叮呼而告戒
然後動于中哉况復因循苟且屈已請和若高宗
者誠無足與論人倫之道
矣據事直書其義自見

廣義

分注載徽宗手書寄高宗悲衷之古及夫人
邢氏思念之切讀史者至此每為宋之不平

高宗若能以志帥氣盡聽李綱宗澤張所岳飛之
謀誓復不共戴天之讎不獻金俘于太廟不已也
今乃不此之務而徒效區區兒女子之態其志不
亦界乎詩曰覈其泣矣何嗟及矣此之謂矣

盜史斌僭號于興州○命都統制王淵等分討江淮羣

盜

自宣和末羣盜蜂起至是祝靖薛廣黨志闕僅王存之徒皆招安赴行在李綱言今日正當因其力而用之如銅馬綠林黃巾之比然不移其部曲則易叛而從之則致疑正當以術制之使由而不知乃命御營司分戡之凡潰兵願歸營與良農願歸業者皆聽所徙至數萬其他以新法團結分隸諸將由是無叛去者獨雅寧之杜用山東之李昱河北之丁順皆擁兵數萬而拱單州皆有潰卒數千為亂綱以招安則彼無畏憚勢難遽平乃勾遣淵與韓世忠劉光世張俊分討之既而光世遣部將擊李昱斬之淵殺杜用丁順赴河北招討司自效盜並哀

八月杭州軍亂

軍校陳通作亂執帥臣葉夢得殺轉運判官吳
昉等尋詔王淵兼領杭州副置盜賊使以討之

以李綱黃潛善為尚書左右僕射兼門下中書侍郎

綱著待帝論及靖康時事帝曰淵聖勤于政事省覽
章奏至終夜不寐然卒至播遷何也綱對曰人主之
職在知人進君子退小人則大功可成否則衡石程
書無益也因勉帝以明恕盡人言蔡攸足國用英果
斷大事帝嘉納之綱所論諫其言切直帝初無不容
納至是惑于黃潛善汪伯彥之言常中留不報呂中
曰自綱之入相也以英哲全德勉人主以修政攘夷
為己任抗忠數疏中時膏肓和守之議決而國是明
備逆之罪正而士氣作幸都之謀足而人心安他如
修軍政變士風定經制改獎法招兵買馬分布要害
遣張所招撫河北王瓌經制河東宗澤留守京城西
顧關陝南葺樊鄧且將並據形便以為必守中原之

計朱子謂李綱入來方
成朝廷者正謂此也

發明

書以李綱黃潛善為左右僕射所以志君子
小人之並相也其道不同不相為謀之意可

見矣高宗用人如此
何以中興社稷乎吁

廣義

大抵剛明之君必專于任賢始終不渝否則
必為讒間所惑者多矣故周公戒成王曰相

我受民和我庶獄庶慎時則勿有間之又曰國則
罔有立政用儉人蓋言小人用則君子退理必然

矣且君子小人之進退猶陰陽之升降君子陽類
小人陰類用君子則升其國于昌明用小人則降

其國于晦昧是以符堅用王猛而殺樊世秦以之
興先主用孔明而拒張松蜀以之帝凡若此者是

皆用君子去小人而升其國于昌明者也宋之高
宗則不然矣其于潛善伯彥等奸言諛說則用之

猶恐不及若于李綱輩之忠言諫論每牴牾而不
暇借曰用之猶勉強也故終不得成其志而國事
日非焉此則用小人去君子而降其國于肫肫者
然也意君子小人能興亡人之家國也如此君人
者奚可不謹其所與哉

更號元祐太后曰隆祐太后

尚書省言元字犯后祖諱
請易以所居宮名從之

廣義

孟軻氏曰堯舜之知而不偏物急先務也先
舜之仁不偏愛人急親賢也且元祐者哲宗

之年號也今以元字犯后祖諱而更之是嫌于后
祖之諱也且后祖之諱臣也界也哲宗年號君也
尊也况二名不偏諱邪方是時也得脫虎口而即
位南京亦云幸矣正當親賢人以圖恢復急先務

以堅守備不此之思而為其所不當為則高宗之初志可見矣

召河東經制副使傅亮還行在罷李綱提舉洞霄宮

傅亮軍行十餘日黃潛善等以為逗遛令東京留守宗澤節制亮車即日渡河亮言措置未就而渡河恐誤國事李綱為之請潛善等不以為然綱言招撫經制二司臣所建明而張所傅亮又臣所薦用今黃潛善汪伯彥沮所亮所以沮臣臣每鑒靖康大臣不和之失事未嘗不與潛善伯彥議而後行而二人設心如比願陛下虛心觀之既而召亮赴行在綱言聖意必欲罷亮乞付黃潛善施行臣得乞身歸田里綱退而亮竟罷綱乃再疏求去帝曰卿所爭細事胡乃爾綱言方今人材將帥為急恐非小事臣昨議還幸與潛善伯彥異宜為所嫉然臣東南人豈不願陛下東下為安便哉願一去中原後患有不可勝言者願陛下

下以宗社為心以生靈為意以二聖未還為念勿以臣去而改其議臣雖去左右不敢一日忘陛下泣辭而退或曰公決於進退於義得矣如讒者何綱曰吾知盡事君之道不可則全進退之節忠禍非所恤也會侍御史張浚劾綱以私意殺宋齊愈且論其買馬招軍之罪潛善伯彥等復力排綱請帝去之遂罷綱為觀文殿大學士浚論綱不已乃落職止提舉洞霄宮凡在相位七十七日綱罷而招撫經制司廢車駕遂東幸兩河郡縣相繼淪陷凡綱所規畫軍民之政一切廢罷金兵益熾闕輔殘毀而中原盜賊竄起矣胡一桂曰李綱為相朝綱兵防皆已振整方七十餘日為汪黃所讒張俊所論而罷汪黃不足責矣浚乃如是深可惜也

發明

人君為治莫大乎別邪正邪正別然後可以言治邪正不別天下不可得而治也是故惡

是而非者惡紫之奪朱也惡芳之亂苗也惡鄭聲之亂雅樂也又曰放鄭聲遠佞人鄭聲淫佞人殆宋室屢為小人所誤乃高宗之所目擊者當是之時用君子斥小人求正道遠邪佞常恐不及夫何專任汪黃疑貳李綱是宣中興之良策乎矧高宗既承上皇即真來救之言誠宜惕然警省克復舊物可也今乃使一君子任事而又使兩小人參之則是小人眾而君子獨曷克濟哉名傳亮而罷李綱其不足與有為明矣綱目書此所以識其闇弱不明之失爾

廣義

嗚呼李僕射之忠可謂通天地貫日月質鬼神者也況其才識高明志節堅貞而學問優

長使其過主于巷而得行其道是即伊傅周公之徒何古人之多讓哉高宗惑于讒間而罷之無乃自絕于賢乎厥後僅得寄命一隅而不能光復舊物者正坐此也

殺大學生陳東布衣歐陽澈

東自丹陽召至未得對會李綱罷乃上書乞留綱而罷黃潛善汪伯彥不報又上疏請帝親征以還二聖治諸將不進兵之罪以作士氣車駕宜還京師勿幸金陵又不報潛善揭示綱請幸金陵舊奏東言綱在途中不知事體宜以後說為正必速罷潛善輩會撫州布衣歐陽澈徒步詣行在伏闕上書極詆用事大臣潛善遽以語激怒帝言若不亟誅將復鼓衆伏闕書獨下潛善所府尹孟庾台東議事東請食而行于書區處家事字書如平時已乃授其從者曰我死爾歸致此于吾親食已如廁吏有難色東笑曰我陳東也畏死即不敢言已言肯逃死乎吏曰吾亦知公安敢相迫頃之東具冠帶出別同即乃與澈同斬于市四明李猷贈尸瘞之東初未識綱特以國故為之死識與不識皆為流涕

發明

宋自太祖以來諫臣之貶廢罷出者多矣然未聞有殺之者言事之人不聽則已殺之何為高宗初登大寶天下尚未底寧亦可少知自警而乃殺諫臣此正如垂絕之人而復投以酖毒未有不亟亡者雖然東澈一為儒者一為布衣無官守言責之寄其所論列不過好善惡惡云爾曷為殺之蓋東澈之死乃出于汪黃之手綱目繫而書之何耶夫人君廣開四聰明見萬里今乃使言事之臣為姦徒誣殺而不知則亦可謂不君之甚矣書法如此是亦君為元首之義也夫豈過哉

廣義

嗚呼陳東可謂從容就義者也非其平昔涵養有素見道之明者能之乎語曰篤信好學

守死善道若陳東者是誠不負聖人之訓者也至若澈一布衣耳有位者果何心哉

許翰罷

李綱罷翰言綱忠義英發舍之無以佐中興今罷綱臣留無益力求去帝不許及陳東見殺翰謂所親曰吾與東皆爭李綱者東戮於市吾在廟堂可乎乃為東激著哀辭而入上章求罷遂以資政殿大學士提舉洞霄宮

封子粦為魏國公○安置河北招撫使張所于嶺南

廣義

張所者李綱宗澤之輩不可去者也於不可去而去之則亦無所不去矣噫高宗播遷不

已而又無人乎其側是猶滅燭夜行而求其不仆者臣未之信也

都統制王彥等渡河敗金人于新鄉進次太行金人圍之彥兵潰走保共城

彥率岳飛等十一將部七千人渡河至新鄉金兵盛
彥不敢進飛獨引所部鏖戰奪其輜而舞諸將爭奮
遂復新鄉明日見于侯兆川飛身被十餘創士皆死
戰又敗之會食盡詣彥壁乞糧彥不許飛獨引兵益
北與金人戰于太行山擒其將托卜伊勒呼數日又
與敵遇飛單騎持丈八鐵鎗刺殺其將黑風大王金
人敗走飛知彥不悅已遂率所部復歸宗澤澤復以
為統制彥以屢勝因傳檄州郡金人以為大軍至率
騎數萬薄彥壘圍之數匝彥以衆寡不敵潰圍出走
諸將敗走彥獨保其城西山遣腹心結兩河豪傑圖
再舉金人購求彥急彥慮變夜寢屢還其部曲覺之
相率刺面作赤心報國誓殺金賊八字以示無他意
彥益感勵撫愛士卒與同甘苦未幾兩河響應忠義
民兵首領傅選孟德劉澤焦文通等皆附之衆十餘
萬綿亘數百里皆受彥約束金人患之召其首領俾
以大兵破彥壘首領跪而泣曰王都統若堅如鐵石

未易圖也金人乃間遣騎兵撓
彥糧道彥勒兵待之斬獲甚衆

發明

金人戎馬之跡布滿畿甸誠宋朝之所薄伐
者苟臣子能知大義率衆攘擊綱目之所必

予也王彥率十一之戰將部七千之雄兵併力過
河大敗金師其殉國之心誠矣奈何既至太行金
人圍困不能效死拒敵而乃潰圍逃奔又豈純乎
義者哉此綱目始焉喜之終焉惜之予而未盡予
之詞耳

盜趙萬陷常州鎮江府

萬襲常州執守臣何衮縱兵大掠
遂犯鎮江知府趙子崧遁保瓜洲

張邦昌伏誅

初邦昌潛居禁中華國靖恭夫人李氏數以果實奉
邦昌邦昌亦厚答之一夕邦昌被酒李氏擁之曰大
家事已至此尚何言因以赭色半臂加邦昌身掖入
福寧殿夜飾養女陳氏以進及邦昌還東府李氏私
送之語斥乘輿至是事聞下李氏于獄詞伏
馬伸如潭數邦昌之罪賜死併誅王時雍等

發明

邦昌之罪固無足言者然分注猶以賜死為
文綱目變文而正以伏誅之名者蓋邦昌僭

偽之徒乃宋之亂賊亂臣賊子不討則無以懲後
而接跡於天下矣綱目誅亂討逆之書而邦昌之
徒實所不赦此可見其扶天理遏人欲正名分植
綱常而為萬世亂賊之戒其旨嚴哉故曰綱目成
而亂臣
賊子懼

廣義

綱目於邦昌去其官而
書伏誅者正天討也

金盡臨河北州郡

金棟摩臨河間府雄州達蘭臨祁保州永寧
順安軍惟慶源府邢洺冀磁相州久之乃臨

冬十月帝如揚州

先是黃潛善汪伯彥力主幸東南會金人攻河陽汜
水軍許景衡亦言建康天險可據帝從之詔淮浙沿
海諸州增修城壁招訓民兵以備海道又命揚州守
臣呂頤浩繕修城池至是謀者言金人欲犯江浙詔
暫駐淮甸捍禦稍定即還京闕有敢妄議惑眾沮巡
幸者許告而罪之不告者斬宗澤上疏諫曰京師天
下腹心不可棄也昔景帝間契丹寇遼淵王欽若江
南人勸幸金陵陳堯叟閭中人勸幸成都惟寇準毅然
請親征卒用成功因條上五事其一言黃潛善汪
伯彥贊南幸之非澤前後建議輒為汪黃所抑二人

每見澤奏至皆笑以為狂於是帝決意幸揚州十月
朔帝登舟時兩河雖多陷于金而其民懷朝廷恩所
在結為紅巾出攻城邑皆用建炎年號金人稍稍引
去及聞帝南幸無不解體澤復上疏言欲遣問勅王
彥各統大軍盡平賊壘望陛下早還京闕臣之此舉
可保萬全或竊謀蔽欺未即還闕願陛下從臣指畫
勿使姦臣沮抑以誤社稷大事陳師鞠旅盡掃兵塵
然後奉迎鑾輿還京以塞姦臣之口以快天下之心
帝優詔答之

廣義

大易益之六四曰利用為依遷國益言國阮
播遷之季貴乎因不失其親如周遷依晉邢

遷依齊許遷依楚是也今高宗雖迫于強寇內有
李綱運籌帷幄許翰裁決國論外有宗澤岳飛之
捍邊破敵而又有張所之設謀措置遺民之懷恩
不叛則高宗之國內有所持外有所依雖不遷可

也然豈特不遷而已哉且其復還舊物益有不難者矣惟其不以謀臣策士是用而反惑于姦邪懦怯之謀甘於奉頭鼠竄卒使趙宋國祚延遷而南不復可振哀哉

王淵誘趙萬誅之○十一月竄李綱于鄂州

尋責授單州團練使安置于萬安軍

發明

李綱為姦諛所忌不容於朝既已罷官屢遭貶竄謂之何哉是時高宗惑於汪黃之邪說

所為若此比事

觀之其失自見

廣義

此黃汪恐沮幸東南之謀也

盜張遇陷池州

遇本真定軍校聚衆為盜自淮西渡江水陸並進至是犯池州入城縱掠驅強壯以益其軍

遣朝奉郎王倫使金

倫旦之族孫也家貧無行為仕陝往來京洛間數犯法幸免至是選能專對者使金問二帝起居乃假倫刑部侍郎充大金通問使閤門舍人朱弁副之至雲中見尼瑪哈議事時金方大舉南下倫邀說百端尼瑪哈不聽使就館守之以兵辛先是淵聖自雲中從燕山始與太上皇相見居于愍忠寺至是並遷于霄郡霄古溪國也在燕山北千里既至居于相府院嗣濮王仲理等千八百人尚在燕金人計口給糧監視嚴密死者甚衆

以張慤為中書侍郎顏岐許景衡為尚書左右丞郭三

益同知樞密院事 知密州趙野棄城走為其下所殺

野見山東盜賊充斥帝如淮甸乃携其家棄城走軍校杜彥等東間作亂自為知州遣人追野殺之

發明

走者匹夫之行賊之也司馬公光曰忠臣憂公如家見危致命乃其職耳益守君之城者

當以城為存亡不可遽懷疑貳趙野既知密州有民人焉有社稷焉雖盜賊充斥當隨宜撫定必不得已死生以之可也夫何擅棄信地偷生苟免是烏足以知君臣之義哉然卒未能遽遁軍校殺之如斃犬豕何益之有故既書棄城走以著其幸免之罪復書為下殺以著其天報之速識者可以觀矣

十二月王淵討杭州亂卒誅之○金人分道入寇遂陷

西京留守孫昭遠走死河東經制使王瓌引兵遁蜀

金剛帝如揚州起燕京等八路民兵分三道南侵尼
瑪哈自雲中下太行由河陽渡河攻河南分遣尼楚
赫等攻漢上鄂爾多烏珠自燕山由滄州渡河攻山
東分阿里富勒汗軍趨淮南羅索與薩罕里赫鋒自
同州渡河攻陝西尼瑪哈至汜水關孫昭遠南走為
叛兵所害宗澤聞金人將謀侵汴遣劉衍趨滑州劉
達趨鄭州以分其勢戒諸將保護河梁以俟大兵之
集烏珠乃不敢向汴夜斷河梁而去羅索至河中官
軍阨河西岸不得渡乃自韓城履水過臨同華州沿
河安撫使鄭驥赴井死遂破潼關王瓌棄陝州引兵
遁入蜀中


原大震

發明

書分道入寇外而斥之也書走死貶而賤之
也書引兵遁蜀罪苟免也蓋畱守之任不為

小矣。經制之職，不為罪矣。論其兵足以破敵，揆其力足以守城，未聞與之一戰而乃率衆逃奔，棄其城而不恤哉！其民而不顧，是乃妾婦之道，非忠臣也。雖然，妾婦尚有從一而終之念，彼二人者安能擬乎？吁！綱目書此以爲後世人臣不忠之戒耳。

御批續資治通鑑綱目卷十一



總校官候補中允 臣王燕緒

校對官編修 臣章宗瀛

謄錄監生 臣常安